

六  
典  
通  
考

六典通考卷四十三

湖西閻鎮珩輯

邦計考

歷代泉貨

自書契以來封禪之君七十二家其文異制然其立貨幣以救時一也管夷吾述輕重之法溯自燧人以降而李洎亦稱古有葛天氏之幣焉至伏羲之世天下山五千三百七十出銅之山四百五十有七出鐵之山三千六百有九戈矛所起刀幣因以興焉路史載寶鼎尉王鑄家有布長寸六分肩廣八分首廣五分足間二分重六銖文作行昊乃帝昊字李彥所謂子旁斜畫者蓋蘇

字也又董令昇家有布長寸八分頰廣六分肩廣寸一分足間五分重十二銖面文作文旻幕文作爽皆大昊字也古幣圓內而方外爲脾睨之形取三才之義垂則象天之示置則象地之勢北會而南分坦之則人也皆以代號爲別文多不能辨錢書謂之奇品又謂之異布故幣文有作朶斤一金者太昊九棘也長寸七分肩廣一寸足間六分有肉好幕文作舌芒又有作巫山舌者少昊貨也其長廣皆同至神農氏之幣世傳有二種一長二寸六分首廣寸六分有肉好無輪郭足間正圓面文六字皆一字長二寸四分上廣寸五分下寸七分首廣六分足間八分重八銖有郭面七字縱橫又錢大圓

徑寸五分重七銖好圓無輪郭狀如半兩銅色純赤左  
有肝字鉤畫甚精神字也而董氏譜又有慢由一金亦  
屬之神農云宋羅泌之論曰黃帝氏自爲黃帝之貨更  
爲軒轅幣故幣文有串者王存以爲軒轅氏之幣也世  
傳李涿之家有黃帝貨長二寸一分肩寸七分枝長六  
分間四分半首廣七分質厚重二十六銖文作𠄎豆二  
斤金幕文作串文又一種大小輕重與此正等六字亦  
同但倒書之其串作中乃幣之最大者也天寶初李幼  
奇得一種文作陟陽乃高陽金也長寸一分下廣九分  
首長廣各五分向上漸濶足支四分間廣三分背文如  
八字又長平布中有作鬪以舌一及作允巨侖陽平陽

弁疏者凡五種有肉郭皆高陽金也又有長寸八分肩  
廣寸一分足間五分圓形重十二銖無好郭帝嘗貨也  
或謂史遷說幣止於唐虞魯褒論幣防自黃帝遂疑貨  
幣不出於上古其說非也蓋有熊高辛謂之貨陶唐氏  
謂之泉夏商以來金爲三品或黃或赤或白或錢或布  
或刀或龜貝至周人立九府圉法始備焉秦用黃金銅  
錢爲上下二等漢爲八銖或爲英錢或作白金或作赤  
仄八銖五分迭廢迭用王莽又設錯刀金銀龜貝凡數  
十品公孫述始作鐵錢魏文帝敕帛相質劉備以一當  
百孫權以一當千理道陵夷則有鵝眼縱環之別王綱  
解紐又有沙尾夾錫之異名目繁雜不能遍舉酌厥中

制五銖爲最大小斤兩便於時用雖終古不易可已杜  
馬二書各有錢幣考今取古幣泉貨爲名而附以後世  
變通之法曰唐飛錢曰宋會子曰金交鈔曰元鈔法明  
則鈔格不行故弗著云

外府掌邦布之入出以共百物而待邦之用凡有法者

布泉也

讀爲宣布之布其意曰泉其行曰布取名於水泉其流行無  
不偏入出謂受之復出之共百物者或作之或買之待猶給  
也有法百官之公用也泉始蓋一品周景王鑄大泉而有二  
品後數變易不復識本制至漢唯有五銖久行王莽改貨而  
易作泉布多至十品今存於民間多者有貨布大泉貨泉貨  
布長二寸五分廣寸首長八分有奇廣八分其圓好徑二分  
半足枝長八分其右文曰貨左文曰布重二十五銖直貨泉  
二十五大泉徑一寸二分重十二銖文曰大泉直十五貨泉  
貨泉徑一寸重五銖右文曰貨左文曰泉直一也

司市國凶荒札喪則市無征而

作布金銅無凶年因物  
貴大泉以饒民

廛人掌斂市紋布總布質布罰布

塵布而入於泉府

詳見市  
征篇

泉府掌以市之征布斂市之不

售貨之滯於民用者

太公爲周立九府圜法

周官太府玉  
府內府外府

泉府天府職內職金職幣皆掌財  
幣之官故云九府圜謂均而通也

黃金方寸而重一斤錢圜

函方

外圓內  
孔方

輕重以銖

黃金以斤爲名  
錢則以銖爲重

布帛廣二尺二寸爲

幅長四丈爲匹故貨寶於金利於刀

名錢爲刀以  
其利於民也

流於泉

如布於布

布於  
民間

束於帛

束聚  
也

太公退又行之於齊

鄭氏樵云泉言其形金言其質刀言其器貨與布言其

用古文錢作泉古錢之形卽篆泉文也後世代以錢字

故泉之文借爲泉水之泉其實篆文泉字下體不從水

也據此則班史流於泉之說義近穿鑿

景王二十一年將鑄大錢

靈王之  
子景王貴也錢者金幣之  
名所以質買物通財用也古曰泉

後轉單穆公曰不可古者天災降戾於是乎量資幣權輕重

以振救民量猶度也資財也權稱也振拯也民患輕則爲之作重幣以行之

民患幣輕而物貴則作重幣以行其輕於是乎有母權子而行民皆得焉重曰

曰子以子質物物輕則子獨行物重則以母權而行之若不堪重則多作輕而行之亦

不廢重於是乎有子權母而行小大利之堪任也幣重物輕妨其用故作輕幣

雜而用之以重者質其貴以輕者質其賤母不足則以子平而行之今王廢輕而作重民失其

資能無匱乎若匱王用將有所乏之則將厚取於民民不給

將有遠志是離民也且絕民用以實王府絕民用謂廢小錢敘而鑄大猶

塞川原而爲潢污也其竭也無日矣大曰潢小曰污王其圖之王弗

聽卒鑄大錢文曰寶貨肉好皆有周郭肉錢形好孔也曰勸農澹不

足百姓蒙利焉師古曰單旗雖有此言王終改鑄錢果有便故百姓蒙其利也韋昭曰唐尙

書云大錢重十二銖文曰大泉五十鄭後司農說周禮云錢始蓋一品也周景王鑄大錢而有二品後數變易不識本制至漢唯五銖久行王莽時錢乃有十品今存於民多者有貨布大泉貨泉大泉徑寸二分重十二銖文曰大泉五十則唐君所謂大泉者乃莽時泉非景王所鑄明矣又景王至赧王十三世而周亡後有戰國秦漢幣物改轉不相因先師所不能紀或云大錢文曰寶貨非事實又單穆公云古者有母平子子權母而行然則二品之來古而然矣鄭君云錢始一品至景王有二品考之不詳耳管子人君鑄錢立幣人庶之通施也均制財物人有若干百十之數矣然而人事不及用不足者何利有所藏也均調其事則豪富并藏財貨專擅其

利然則人君非能分并財利而調人事也則君雖自爲鑄幣

而無已乃使人下相役耳惡能以爲理乎

君不能權其利門制其輕重雖鑄幣

無限極而與人徒使聚富侵奪貧弱終不能致理

湯七年旱禹五年水人之無糶

檀糜

有賣子者湯以莊山之金鑄幣而贖人之無檀賣子者

禹以歷山之金鑄幣以救人之困夫玉起於禺氏金起於女

漢珠起於赤野東西南北去周七八千里水絕壤斷舟車不

能通爲其途之遠其至之難故託用於其重以珠玉爲上幣

以黃金爲中幣以刀布爲下幣三幣握之則非有補於煖也

食之則非有補於飽也先王以守財物以御人事而平天下

也是以命之曰衡衡者使物一高一下不得有調也

若五穀與萬物

平則人無其利故設上中下之幣而行輕重之術使一高一下乃可權制利門悉歸於上

楚莊王以爲

幣輕更以小爲大百姓不便皆去其業孫叔敖爲相市令言於相曰市亂人莫安其處行不定叔敖白於王遂令復如故而百姓乃安

秦以周顯王三十三年初行錢及兼天下幣爲二等黃金曰

溢爲名上幣

二十兩爲溢高祖賜張良金百溢此尚秦制也上幣者二等之中黃金爲上錢爲下銅錢

質如周錢

形質如周錢唯文異耳

文曰半兩重如其文而珠玉龜貝銀

錫之屬爲器飾寶藏不爲幣然各隨時而輕重無常

漢興以秦錢重難用更令民鑄莢錢

如榆莢也重銖半徑五分文曰漢興黃金

一斤

復周制更以斤名

高后二年行八銖

秦錢文曰半兩即八銖也初漢鑄榆莢人患太輕至

此復行八銖錢

六年行五分錢

徑五分所

孝文五年爲錢益多而輕

乃更鑄四銖錢其文爲半兩除盜鑄錢令使民放鑄賈誼諫

曰法使天下公得願租鑄銅錫爲錢敢雜以鉛鐵爲他巧者

其罪黥

願租謂願庸之直或租其本

然鑄錢之情非殺雜爲巧則不可得

贏而殺之甚微爲利甚厚

微謂精妙也

夫事有召禍而法有起姦

今令細民操造幣之勢各隱屏而鑄作因欲禁其厚利微姦

雖黥罪日報其勢不止也

報論

夫懸法以誘民使人陷阱孰積

於此曩禁鑄錢死罪積下

下報也累積下報論之也

今公鑄錢黥罪積下

爲法若此上何賴焉又民用錢郡縣不同或用輕錢百加若

千

時錢重四銖法錢百枚當重一斤十六銖輕則以錢足之若干枚令滿平也

或用重錢平稱不

受

平稱有餘不能受也

法錢不立吏急而壹之乎則大爲煩苛而力不

能勝縱而弗呵乎則市肆異用錢文大亂苟非其術何嚮而

可哉今農事棄捐而采銅者日蕃釋其耒耨冶鑄炊炭

鑄形容謂

作錢模也。竊錢日多，五穀不爲多國知，患此吏議必曰：禁之禁之，不得其術，其傷必大。令禁鑄錢，則錢必重重，則其利深盜鑄如雲而起，棄市之罪又不足以禁矣。姦數不勝而法禁數潰，銅使之然也。故銅布於天下，則人鑄錢者大抵必雜以鉛鐵，黥人日繁一禍也。僞錢無止錢用，不信人愈相疑二禍也。采銅者棄其田疇，鑄者損其農事，五穀不爲多則鄰於饑三禍也。故不禁鑄錢，則常亂黥罪日積是陷阱也。且農事不爲有類爲災，故人鑄錢不可不禁四禍也。上禁鑄錢必以死罪，鑄錢者禁則錢必還重，則盜鑄者起則死罪又復積矣。其禍五也。故銅布於天下，其爲禍博矣。今博禍可除而七福可致矣。何謂七福？上收銅勿令布，則民不鑄錢，黥罪不積一矣。僞錢

不蕃民不相疑二矣采銅鑄作者反於耕田三矣銅畢歸於

上上挾銅積以御輕重銅積謂多積銅錢輕則以術斂之重則以術

散之貨物必平四矣以作兵器古者以銅爲兵以假貴臣多少有制

用別貴賤五矣以臨萬貨以調盈虛以收奇羨奇殘餘羨餽溢則官

富寶而末民困六矣末謂工商制吾棄財以與匈奴逐爭其民則

敵必壞七矣農人敦本倉粟實布帛有餘則招胡人多來擊附故言制吾棄財也今久退七福

而行博禍臣誠傷之上不聽賈山上書諫以爲錢者無用器也而可以易富貴富貴者人主

之操柄也令民爲之是與人主共操柄不可長也其後復禁鑄錢是時吳以諸侯卽山鑄錢

富埒天子所鑄文字與四銖同微重耳後卒叛逆鄧通大夫也以鑄錢同四

銖財過王者故吳鄧錢布天下景帝中六年定鑄錢僞黃金

外鑄錢下吏驗問頗有送竟案盡沒之武帝建元元年行三銖錢五年罷三銖

錢行半兩錢時方有事四夷又徙平民於新秦中出御府錢以贍不足而冶鑄或累萬金不佐公家之急於是天子與公卿議更造錢幣以贍用而摧浮淫并兼之徒是時禁苑有白鹿而少府多銀錫自孝文更造四銖錢至是四十餘年從建元以來用少縣官往往卽多銅山而鑄錢民間亦盜鑄不勝數錢益多而輕輕亦賤也物益少而貴有司言曰古者皮幣諸侯以聘享金有三等黃金爲上白金爲中赤金爲下今半兩錢法重四銖文爲半兩實重四銖而姦或盜磨錢質而取鎔磨錢漫面以取其屑更以民磨錢取屑是也錢益輕薄而物貴則遠方用幣煩費不省乃以白鹿皮方尺緣以藻績一作紫績繡繪五采而爲之爲皮幣直四十萬王侯宗室朝覲聘享必以皮幣薦璧然後得行又造銀

錫爲白金以爲天用莫如龍地用莫如馬人用莫如龜故白

金三品其一曰重八兩圓之其文龍名曰白選或名白撰直三千

二曰以重差小方之其文馬直五百以半斤之重差爲三品此重六兩則下品重四

兩三曰復小掬之其文龜直三百掬圓而長令縣官銷半兩錢更

鑄三銖錢文如其重盜鑄諸金錢罪皆死而吏民盜鑄白金

者不可勝數有司言三銖錢輕易姦詐乃更請郡國鑄五銖

錢周郭其下令不可磨取鉛焉周匝爲郭文漫皆有造白金五銖錢後

五歲赦吏民之坐盜鑄金錢死者數十萬人其不發覺相殺

者不可勝計赦自出者百餘萬人然不能半自出天下大抵

無慮皆鑄金錢矣犯法者眾吏不能盡誅於是遣博士褚大

徐偃等分行郡國舉并兼之徒守相爲利者劾之時張湯用事初帝旣

與湯造白鹿皮幣以問大司農顏異對曰今王侯朝賀以蒼  
壁直數千而皮薦反四十萬本末不相稱上不悅會有人告  
異以他事議下湯理異異與容語容語初令下有不便者  
異不應徵反唇湯奏異見令不便不入言而腹脯遂誅於

是郡國多姦鑄錢錢多輕而公卿請令京師鑄官赤仄

以赤銅爲

其郭今錢見有赤側一當五賦官用非赤仄不得行

充賦及給官用

者不知作法云何赤側白金稍賤民不寶用縣官以令禁之無益歲餘終廢

而行其後二歲赤仄錢賤民巧法用之不便又廢於是悉禁

郡國鑄錢專令上林三官鑄錢既多而令天下非三官錢不

得行

漢武帝元鼎二年初置水衡都尉掌上林苑屬官有上林均輸鍾官辨銅令然則上林三官其是此三令乎

諸郡國前所鑄錢皆廢銷之輸入其銅三官而民之鑄錢益

少計其費不能相當唯眞工大姦乃盜爲之元帝時貢禹言

鑄錢採銅一歲十萬人不耕民坐盜鑄陷刑者多富人藏錢

滿室猶無厭足民心動搖棄本逐末耕者不能半姦邪不可

禁原起於錢疾其末者絕其本宜罷採珠玉金銀鑄錢之官

毋復以爲幣除其販賣租銖之律

租銖謂計其所賣物價租平其銖銖而收租也

稅祿賜皆以布帛及穀使百姓一意農桑議者以爲交易待

錢布帛不可尺寸分裂禹議亦寢

師丹傳有上書言古者以龜貝爲貨今以錢易之民

以故貧宜可改幣上以問丹丹對言可改章下有司議皆以爲行錢以來久難卒變易

自孝武元狩五

年三官初鑄五銖錢至平帝元始中成錢二百八十億萬餘

云葉夢得曰漢書王嘉傳元帝時都內錢四十萬萬水衡錢

百三十萬貫耳不足以當權貨務盛時一歲之入蓋漢時錢

錢少故夾錫當十等交具卒未嘗有補蓋錢之多寡係幣之輕重不在鼓鑄廣狹也王莽居攝變漢制

以周錢有子母相權始造大錢徑一寸二分重十二銖文曰

大錢五十五又造契刀錯刀契刀環如大錢身形如刀長二寸  
文曰契刀五百錯刀以黃金錯其文曰一刀直五千與五銖  
錢凡四品並行莽卽真以爲書劉字有金刀乃罷錯刀契刀  
及五銖錢而更作金銀龜貝錢布之品名曰寶貨小錢徑六  
分重一銖文曰小錢直一次七分三銖曰么錢一十次八分  
五銖曰幼錢二十次九分七銖曰中錢三十次一寸九銖曰  
壯錢四十因前大錢五十是爲錢貨六品直各如其文元龜  
距冉長尺二寸冉龜甲緣也距至也度直二千一百六十爲  
大貝十朋兩貝爲朋朋直二百一十六公龜九寸直五百爲  
壯貝十朋候龜七寸以上直三百爲么貝十朋子龜五寸以  
上直百爲小貝十朋是爲龜寶四品大貝四寸八分以上二

枚爲一朋直二百一十六壯貝三寸六分以上二枚爲一朋  
直五十么貝二寸四分以上二枚爲一朋直三十小貝寸二  
分以上二枚爲一朋直十不盈寸二分漏度不得爲朋率枚  
直錢三是爲貝貨五品大布次布第布壯布中布差布厚布  
幼布么布小布長寸五分重十五銖文曰小布一百自小布  
以上各相長一分相重一銖文各爲其布名直各加一百上  
至大布長二寸四分重一兩而直千錢矣是爲布貨十品布亦  
錢凡寶貨五物六名二十八品鑄作錢布皆用銅殺以鏈錫  
錢之屬也以錢  
及雜銅而爲錢文質周郭放漢五銖錢云其金銀與他物雜  
色不純好龜不盈五寸貝不盈六分皆不得爲寶貨元龜爲  
蔡非四民所得居有者八太卜受直其後百姓憤亂其貨不

行民私以五銖錢市買莽患之下詔敢挾五銖錢者爲惑眾  
投諸四裔於是農商失業食貨俱廢民涕泣於市道坐賣買  
田宅奴婢鑄錢抵罪者自公卿大夫至庶人不可稱數莽知  
民愁迺但行小錢直一與大錢五十二品並行龜貝布屬遂  
廢莽天鳳元年復申下金銀龜貝之貨頗增減其價直而罷  
大小錢改作貨布長二寸五分廣一寸首長八分有奇廣八  
分其圓好徑二分半足枝長八分間廣二分其文右曰貨左  
曰布重二十五銖直貨泉二十五貨泉徑一寸重五銖文右  
曰貨左曰泉枚直一與貨布二品並行又以大錢行久罷之  
恐民挾不止迺令民且獨行大錢與新貨泉俱枚直一並行  
盡六年毋得復挾大錢矣每一易錢民用破業而大陷刑莽

以私鑄錢死及非沮寶貨投四裔犯法者多不可勝行迺更  
輕其法私鑄作泉布者與妻子沒爲官奴婢吏及比伍知而  
不舉告與同罪非沮寶貨民罰作一歲吏免官犯者愈眾及  
五人相坐皆沒入郡國檻車鐵璫傳送長安鍾官鍾官主鑄錢者愁  
苦死者十六七漢錢舊用五銖自王莽改革百姓皆不便之  
及公孫述廢銅錢置鐵官鑄鐵錢百姓貨幣不行皇甫謐高  
士傳曰郭  
奉過史弼送迎輒再屈腰秦一傳揖而去弼門  
人怪而問之弼曰錢錢也故以二而當一耳  
時童謠曰黃  
牛白腹五銖當復好事者竊言王莽稱黃述欲繼之故稱白  
腹五銖漢貨言漢當復并天下也

後漢光武除王莽貨泉自莽亂後雜用布帛金粟建武十六  
年馬援上書曰富國之本在於食貨宜如舊鑄五銖錢帝從

之於是復鑄五銖錢天下以爲便及章帝時穀價貴縣官經用不足尚書張林言今非但穀貴百物皆貴此錢賤故爾宜令天下悉以布帛爲租市買皆用之封錢勿出如此則百物皆賤矣帝用其言少時復止和帝時有上書言貨輕錢薄故人致貧困宜改鑄大錢事下四府羣僚及太學能言之士孝廉劉陶議曰民可百年無貨不可一朝有饑故食爲至急議者不達農殖之本多言鑄冶之便或欲因緣行詐以賈國利國利將盡取者爭競造鑄之端於是平生萬人鑄之一人奪之猶不能給況今一人鑄之則萬人奪之乎夫欲民殷財阜在止役禁奪則百姓不勞而足陛下欲鑄錢齊貨以救其弊此猶養魚沸鼎之中棲鳥烈火之上帝竟不鑄錢及靈帝作

五銖錢而有四出道連於邊緣識者尤之曰豈非京師破壞此四出散於四方乎至董卓焚宮室乃劫帝西幸長安悉壞五銖錢更鑄小錢大五分盡取洛陽及長安銅人飛廉之屬充鼓鑄其錢無輪郭文章不便時人由是貨輕物貴穀一斛至錢數百萬曹公爲相罷之還用五銖

魏文帝黃初二年罷五銖錢使百姓以穀帛爲市買至明帝代錢廢穀用既久人間巧僞漸多競濕穀以要利作薄絹以爲市雖處以嚴刑而不能禁也司馬芝等舉朝大議以爲用錢非徒豐國亦所以省刑今若更鑄五銖於事爲便帝乃更立五銖錢至晉不改

蜀先主

如孤無取焉及拔成都士眾皆

捨干戈赴諸庫藏取一軍用不足備甚憂之西曹掾劉巴

曰易耳但當鑄錢一

百錢平諸物價令吏爲官市備從之

數月之間府庫充實文曰直百亦有勒爲五銖者大小秤兩如一焉並徑七分重四銖吳孫權嘉平五年鑄大錢一當五百文曰大泉五百徑一寸三分重十二銖而使吏人輸銀計時舉設盜鑄之科赤烏元年鑄一當千大錢徑一寸四分重十六銖故呂蒙定荊州孫權賜錢一億錢既大貴但有空名人間患之孫權令曰往日鑄大錢云以廣貨故聽之今闕人意不以爲便其省之鑄爲器物官勿復出也私家有者並以輸獻計畀其直勿有所枉

晉初用五銖錢元帝避江用孫氏赤烏舊錢大者謂之比輪中者謂之四文吳興沈充又鑄小錢謂之沈郎錢太元三年詔曰錢國之重寶小人貪財銷壞無已監司當以爲意廣州夷人賣銅鼓而州境素不出銅聞官私賈人皆貪比輪錢斤兩差重以入廣州貨與夷人鑄敗作鼓其重爲禁制得者科罪元興中桓元輔政議欲廢錢用穀帛孔琳之議曰洪範八政貨爲食次交易之所資爲用之至要使百姓用力於爲錢

是妨爲生之業禁之可也今農自務穀工自務器各隸其業  
何嘗致勤於錢故聖王制無用之貨以通有用之財既無毀  
敗之費又省運致之苦此錢所以嗣功龜貝歷代不廢者也  
穀帛本充衣食今分以爲貨致損甚多又勞毀於商販之手  
耗棄於割截之用故鍾繇曰巧僞之人競濕穀以要利制薄  
絹以充貨魏代制以嚴刑弗能禁也司馬芝以爲用錢非徒  
豐國亦所以省刑錢之不用由於兵亂積久致廢漢末是也  
今旣用而廢之則百姓頓亡其利今計天下之穀以周天下  
之食或倉庫充溢或糧靡斗儲貧者仰富致之之道實假於  
錢一朝斷之便爲棄物是有錢無糧之人皆坐而饑困且今  
用錢之處不爲貧用穀之處不爲富語曰利不百不易業況

又錢便於穀也魏明帝時錢廢用穀四十年矣以不便於人乃議復用錢下無異情朝無異論足以明穀帛之弊著於已試也或謂魏氏不用錢久積藏巨萬故欲行之利公富國斯殆不然晉文取舅犯之謀而先成季之信以爲雖有一時之勳不如萬代之益若穀實便錢義不昧當時之近利而廢永用之通業可知矣近孝武之末時和年豐穀帛殷阜幾平家給人足驗之事實錢又不妨人也愚謂救弊魚取於廢錢朝議多同琳之故元議不行

前涼張軌太府參軍索輔言於軌曰古以金貝皮幣爲貨息穀帛量度之耗二漢制五銖錢通易不滯晉太始中河西荒廢遂不用錢裂正以爲段數絲布既壞市易又難徒壞女工不任衣用弊之甚也今中州雖亂此方全安宜復五銖以濟通變之會軌納之立制准布用錢錢遂大行人稱其利

宋文帝元嘉七年立錢置法鑄四銖文曰四銖重如其文人

閭頗盜鑄多剪鑿古錢取銅帝患之江夏王義恭建議以一  
大錢當兩以防剪鑿何尚之議曰泉貝之興估貨爲本數少  
則幣輕數多則物重多少雖異濟用不殊況復以一當兩徒  
崇虛價者也凡勅制改法宜順人情未有違重矯物而可久  
也泉布廢興議自前代赤仄白金俄而罷息六貨潰亂人泣  
於市良由事不畫一難用遵行夫錢之行大小多品直云大  
錢則未知其格若止於四銖五銖則文皆古篆旣非庸下所  
識如或漫滅尤難分明公私交亂爭訟必起命旨慮剪鑿日  
多以致銷盡鄙意復謂殆無此嫌人巧雖密要有蹤蹟用錢  
貨銅事可尋檢直由糾察不精致使發覺者寡雖有懸金之  
名竟無酬與之實若申明舊科擒獲卽報畏法希賞不日息

矣中領軍沈演之以爲採鑄久廢喪亂累仍廢散湮滅何可  
勝計晉遷江南疆境未廓或土習其風錢不普用今封略開  
廣金錕布洽用彌廣而貨愈狹加復競竊鑄鑿銷毀滋繁刑  
雖重禁姦弊方密誠由貨貴物賤常調未革若以大錢當兩  
則國傳難朽之寶家贏一倍之利不俟加憲巧源自絕上從  
演之議遂以一錢當兩行之經時公私非便乃罷時言事者  
多以錢貨減少國用不足欲禁私鑄以充官鑄五銖范泰陳  
曰銅之爲器在用也博矣鍾律所通者遠機衡所揆者大器  
有要用則貴賤同資物有適宜則家國共急今毀必資之器  
而爲無施之錢於貨則功不補勞任用則君人俱困校之以  
實捐多益少願思可久之道贖欲速之情則嘉謨日陳聖慮

可廣先是元嘉中鑄四銖錢輪廓形制如古五銖銅價無利  
百姓不資盜鑄孝建初鑄四銖文曰孝建一邊爲四銖其後  
稍去四銖專爲孝建三年尚書右丞徐爰議曰貨薄人貧公  
私俱罄不有革造將大空乏應式遵古典收銅繕鑄納贖刊  
刑著在往策今宜以銅贖刑隨罪爲品詔可之所鑄錢形式  
薄小輪郭不成於是盜鑄雲起雜以鉛錫又翦鑿古錢以取  
其銅雖重制嚴刑而盜鑄彌甚百物踊貴人患苦之乃立品  
格薄小無輪郭者悉加禁斷時議欲鑄二銖錢顏竣曰議者  
謂天下銅少宜減錢式以救災弊愚以爲不然今鑄二銖恣  
行新細官無解於乏而人姦巧大興天下之貨將糜碎至盡  
空立嚴禁而利深難絕不過一二年間其弊不可復救此其

不可一也今鎔鑄獲利不見有頓得一二倍之理縱復得此  
必待兩年不可二也人憊大錢之改兼畏近日新禁市井之  
間必生紛擾富商得志貧人困窮不可三也況未見其利而  
眾弊如此夫算當時取銷百代上不聽廢帝景和二年鑄二  
銖錢文曰景和形式轉細官錢每出人間卽模效之大小厚  
薄皆不及也無輪郭不磨翦鑿者謂之萊子尤薄輕者謂之  
苜葉市井通用之永光元年沈慶之啟通私鑄由是錢貨亂  
改一千錢長不盈三寸大小稱此謂之鷲眼錢劣如此者謂  
之繩環錢入水不沈隨手破碎市井不復斷數十萬錢不盈  
一掬斗米一萬商貨不行明帝太始初唯禁鷲眼繩環餘皆  
通用復禁人鑄官亦廢工尋又普斷唯用古錢

齊高帝建元四年奉朝請孔覲上書曰三吳國之關閭比歲被水潦而糴不貴是天下錢少非穀穰賤也鑄錢之弊在輕重屢變重錢患難用輕錢弊盜鑄人所盜鑄嚴法不禁者由上鑄錢惜銅愛工也謂錢無用之器以通交易務欲令輕而數多使省工而易成不詳慮其患也自漢鑄五銖錢至宋文帝四百餘年制度有廢興而不變五銖者其輕重可法得貨之宜也以爲開置錢府方督貢金大興鑄錢重五銖一依漢法頃盜鑄新錢者皆效作剪鑿不鑄大錢也磨澤淄染始皆類故交易之後淪變還新良人不習淄染不復行矣所賣鬻者皆徒失其物盜鑄者復賤買新錢淄染更用反復生詐循環起姦明主尤所宜禁而不可長也若官錢已布於人使

嚴斷剪鑿小輕破缺無周郭者悉不得行官錢細小者稱合  
銖兩銷以爲大利貧良之人塞姦巧之路錢貨既均遠近若  
一百姓樂業衣食滋殖矣時議者以爲錢貨轉少宜更廣鑄  
重其銖兩以防人姦上乃使諸州大市銅會上崩乃止武帝  
時竟陵王子良上表曰頃錢貴物賤殆欲兼倍凡在觸類莫  
不如茲稼穡艱劬斛直數十機杼勤苦疋纒三百所以然者  
實亦有由年常歲調既有定期僮僕所上咸是見直東閭錢  
多翦鑿鮮復完者公家所受必須圓大以兩代一困於無所  
鞭捶質繫益致無聊

梁初唯京師及三吳荆郢江湘梁益用錢餘州郡雜以穀帛  
交廣之域全以金銀武帝乃鑄錢肉好周郭文曰五銖重四

銖三參二黍百文重一斤二兩又別鑄除其肉郭謂之公式  
女錢徑一寸文曰五銖重如新鑄五銖二品並行百姓或私  
以古錢交易者其五銖徑一寸一分重八銖文曰五銖三吳  
屬縣行之女錢徑一寸重五銖無輪郭郡縣皆通用太平百  
錢二種並徑一寸重四銖源流本一但文字古今之殊耳文  
並曰太平百錢定平一百五銖徑六分重一銖半文曰定平  
一百稚錢五銖徑一分半重四銖文曰五銖源出於五銖但  
狹小東境謂之稚錢五銖錢徑七分半重三銖半文曰五銖  
源出稚錢但稍遷異以銖爲朱耳三吳行之差少於餘錢又  
有對文錢其源未聞豐貨錢徑一寸重四銖謂之富錢藏之  
令人富也布泉錢一寸重四分半謂之男錢云婦人佩之卽

生男也此等輕重不一天子頻下詔非新鑄二種之錢並不許用而趣利之徒私用轉甚至普通中議盡罷銅錢更鑄鐵錢人以鐵錢易得皆私鑄及大同以後所在鐵錢如山物價騰貴交易者以車載錢商旅姦詐因以求利自陂嶺以東八十爲陌曰東錢江郢以上七十爲陌曰西錢京師九十爲陌曰長錢大同元年乃詔通用足陌詔下而人不從錢陌益少至末年遂以三十五爲陌

陳初承梁喪亂之後鐵錢不行始梁未有兩柱錢及鷲眼錢其價同但兩柱重而鷲眼輕私家多鎔鑄間以錫錢兼以粟帛爲貨文帝天嘉五年改鑄五銖初出一當鷲眼之十宣帝太建十一年又鑄大貨六銖以一當五銖之十與五銖並行

後還當一人皆不便乃相與訛言曰六銖錢有不利縣官之象未幾而帝崩遂廢六銖而行五銖至陳亡其嶺南諸州多以鹽米布交易以不用錢

後魏初錢無所用孝文帝始詔天下用錢十九年公鑄粗備文曰太和五銖詣京師及諸州鎮皆通行之百官祿皆准絹給錢足爲錢二百所在遺錢工備爐人有欲鑄聽就鑄之銅必精鍊無所和雜永平三年冬鑄五銖錢京師及諸州鎮或不用或止用古錢不行新鑄致商賈不通熙平初尙書令任城王澄上言夏殷之政九州貢金以定五品周仍其舊太公立九府之法闢貨始行定銖兩之階齊桓循用以霸諸侯及秦始皇文遂有輕重之異吳漢鄧通之錢收利徧於天下河

南之地猶甚多焉逮於孝武乃造五銖其中毀鑄隨時改易  
竊尋太和之錢孝文留心創制後與五銖並行臣聞君子行  
禮不求變俗因其所宜順而致用太和五銖雖利於京邑之  
肆不入徐揚之市便於荆郢之邦礙於兗徐之域致使貧人  
有重困之切王道貽隔化之訟臣謂今之太和與新鑄五銖  
及諸古錢方皆所使用者雖有大小並得通行貴賤自依鄉  
價其不行之錢及盜鑄毀大爲小僞不如法者據律罪之詔  
曰錢行已久今東南有事且可依舊澄又奏太和五銖乃大  
甯可專貨於京邑不行於天下但今戎馬在郊江疆未一東  
南之州依舊爲便至於京北京西西域內州鎮未用錢處行之  
則不足爲難寒之則有乖通典何也布帛不可尺寸而裂五  
穀則有負擔之難錢之爲用實緩相屬不假斗斛之器不勞  
忤尺之平濤代之宜便利於此請並下諸方鎮其太和及新  
錢并古錢內外全好者不限大小悉聽行之  
驚眼鑿鑿依律

而禁河南州鑄先用錢者既聽依舊不在斷限唯太和五銖  
二錢得用公造新者其餘雜種一用古錢生新之類普同禁  
約諸方錢通用京師其聽依舊使與太和錢及新造五銖並  
行若盜鑄錢者罪當重憲詔從之而河北諸州舊少錢貨備  
以他物交易錢不入市自後人多私鑄錢銷小  
薄價用彌賤乃重制盜鑄之禁開科賞之格 莊帝初私鑄

者益薄小乃至風飄水浮米斗直一千秘書郎楊偁表陳聽  
人與官並鑄五銖錢使人樂爲而俗弊得改帝從之乃鑄五  
銖錢御史中尉高恭之又奏曰四民之業錢貨爲本敕弊改  
鑄王政所先今銅價八十一文得銅一斤私造薄錢斤餘二  
百得罪者雖多盜鑄者彌眾今錢徒有五銖之文而無二銖  
之實薄甚榆莢上貫便破置之水上殆欲不沈此乃科防不  
切朝廷失之彼復何罪昔漢文以五分錢小改鑄四銖至孝  
武復改三銖爲半兩論今據古宜改鑄大錢文載年號以記

其始則一斤成七十六文銅價至賤五十有餘其中人功食料錫炭鉛沙縱復私營不能自潤況復嚴刑廣設以臣測之必當錢貨永通公私獲允永安二年秋詔更鑄文曰永安五銖錢官自立鑪聽人就鑄乃出藏絹分遣人於三市賣之絹疋止二百而私市者猶三百利之所在盜鑄彌眾四方州鎮用各不同時鑄錢都督長史高謙之字道讓上表求鑄三銖錢曰今寇難未除州郡淪沒人物凋零軍國用少則鑄小錢可以富益且政興不以錢大政衰不以錢小唯貴公私得所政化無虧臣今請鑄以濟交乏五銖之錢並行無損詔將從之事未就會卒

北齊神武霸政之初猶用永安五銖遷鄴後百姓私鑄體制

漸別有雍州青州梁州生厚緊錢古錢河陽生濫天柱赤牽  
之稱冀州之北錢皆不行交貨者皆以絹布神武乃收境內  
之銅及錢依舊文更鑄流之四境未幾漸復細薄姦偽競起  
武定六年文襄以錢文五銖名須稱實宜秤錢一文重五銖  
者聽入市用一百重一斤四兩二十銖餘皆準此爲數其京  
邑二市天下州鎮郡縣之市各置二秤懸於市門私人所用  
之秤皆準市秤以定輕重凡有私鑄悉不禁斷但重五銖然  
後聽用若錢不重五銖或雖重五銖而多雜鉛鐵並不聽用  
若錢以小薄者入市有人利獲其錢悉入告者其薄小之  
錢若以爲時穀補贖請待有年王從之而止

文宣

受禪於永安錢改鑄常平五銖重如其文其錢甚貴而製造  
甚精未行而私鑄已興雖殺戮不能止乃令市增長銅價由  
此利薄私鑄少止至乾明皇建之間往往私鑄鄴中用錢有  
赤郭青熟細眉赤生之異河南有青薄鉛錫之別青齊徐兗

梁荆河等州輩類各殊武平以後私鑄轉甚或以生鐵私銅  
至於齊亡卒不能禁

後周初用魏錢及武帝保定元年乃更鑄布泉之錢以一當

五與五銖並行梁益之境又雜用古錢交易河西諸郡或用

西域金銀之錢漢書西域傳蜀賓國以銀爲錢文爲騎馬

賓國同文爲人頭幕爲騎馬加金銀飾其仄安息亦以銀爲錢文爲王面幕爲夫人面王死更鑄大月氏亦同

不禁建德三年更鑄五行大布錢以一當十收商賈之利與

布泉錢並行四年又以邊境多盜鑄乃禁五行大布不得出

入四關布泉之錢聽入不聽出五年布錢漸賤而人不用遂

廢之初私鑄者紋從者遠配爲戶齊平後山東之人猶雜用

齊氏舊錢至宣帝大成元年又鑄永通萬國錢以一當千與

五行大布五銖凡三品並用

隋開皇元年以天下錢貨輕重不一更鑄新錢背面肉好皆

有周郭文曰五銖而重如其文每錢一千重四斤二兩

後魏志云齊文襄令錢一文重五銖者聽入市用計一百錢重一斤四兩二十銖則一千錢重十二斤以上而隋代五銖錢一

千重四斤二兩當是大小秤之差耳是時錢既雜出百姓或私有鑄三年詔

四面諸關各付百錢爲樣從關外來勘樣相似然後得過樣

不同者則壞以爲銅入官詔行新錢以後前代舊錢有五行

大布永通萬國及常平所在勿用以其貿易不止四年詔依

舊不禁者縣令奪半年祿然百姓習用既久猶不能絕五年

詔又嚴其制自是錢貨始一所在流布百姓便之是時見用

之錢皆須和以錫鐵錫鐵既賤求利者多私鑄之錢不可禁

約其年詔禁出錫鐵之處並不得私有採取十年詔晉王廣聽於揚州立五鑪鑄錢其後姦猾稍多漸磨鑪錢郭取銅私鑄又雜以鉛錫遞相倣倣錢遂輕薄乃下惡錢之禁京師及諸州邸肆皆令立榜置樣爲准不中樣者不入於市十八年詔漢王諒於并州立五鑪鑄錢又江南人間錢少晉王廣請於鄂州白紵山有銅鑛處鑄錢於是詔聽置十鑪鑄錢又詔蜀王秀於益州立五鑪鑄錢是時錢益濫惡令有司檢天下邸肆見錢非官鑄者皆毀之其銅入官而京師以惡錢貿易爲吏所執有死者私鑄頗息大業以後私鑄復盛每千重二斤後輕至一斤或剪鐵鑠裁衣糊紙爲錢雜用之貨賤物貴以至於亡

唐高祖入長安民間行綫環錢其製輕小凡八九萬纔滿半

斛武德四年鑄開元通寶徑八分重二銖四參積十錢重一

兩得輕重大小之中其文以八分篆隸二體

通典開通元寶給事中歐陽詢

製詞及書時稱其工其詞先上後下次左後右讀之自上及左迴環讀之義亦通鄭虔會粹云詢初進蠟樣日文德皇后

相一甲跡故錢上有相文每兩二十四銖則一錢重二銖半以下古秤比今秤三之一則今錢爲古秤七銖以上洛

并幽益桂等州皆置監賜秦王齊王三鑪右僕射裴寂一鑪

以鑄盜鑄者論死沒其家屬其後盜鑄漸起顯慶五年以惡

錢多官爲市之以一善錢售五惡錢民間藏惡錢以待禁弛

乾封元年改鑄乾封泉寶錢徑寸重二銖六分以一當舊錢

之十踰年而舊錢多廢明年以商賈不通米帛踴貴復行開

元通寶錢天下皆鑄之然私錢犯法日蕃有以舟筏鑄江中

者詔所在納惡錢而姦亦不息儀鳳中瀕江民多私鑄錢爲業詔巡江官督捕載銅錫鐵過百斤者沒官四年命東都糶米粟斗別納惡錢百少府司農毀之是時鑄多錢賤米粟踊貴乃罷少府鑄尋復舊永淳元年私鑄者抵死鄰保里坊村正皆從坐造意人及勾合頭首者並處絞仍先決杖一百從其家長老疾不坐者則罪歸以次家長其鑄錢處鄰保配徒一年里正坊正村正各決六十若有糾告者卽以所鑄錢毀破并器物等賞緡人同犯自首免罪依例酌賞武后時錢非穿穴及鐵錫銅液皆得用之熟銅排斗沙澀之錢皆售自是盜鑄蜂起江淮游民依大山陂海以鑄吏莫能捕先天之際兩京錢益濫郴衡錢纔有輪郭鐵錫五銖之屬皆可用之或鎔錫模鑄須臾百十開元初宰相宋璟請禁惡錢行二銖四參錢毀舊錢不可用者

江淮有官鑄錢偏鑄錢稜錢時錢遣監察御史蕭隱之使江  
淮率戶出惡錢捕責甚峻上青錢皆輸官小惡者沈江湖市  
并不通物價甚貴隱之坐貶官宋璟又請出米十萬斛收惡

錢少府毀之十一年詔所在加鑄禁賣銅錫及造銅器者制  
古者作錢以通有無錢之所利人之所急然絲布財殺人民  
爲本若本賤末貴則人棄賤而務貴故有盜鑄者置嚴刑而  
不悔藏錢者非倍息而不出今天下泉貨益少幣帛頗輕欲  
濟天下流通宜令所在加鑄委按察使申明格文禁斷私賣  
銅錫所在加鑄其價二十年千錢以重六斤四兩爲率每錢重

四參禁軼頓沙澀蕩染白彊黑彊之錢首者官爲市之  
銅一斤爲錢八十二二年宰相張九齡建議古者以布帛  
爲粟不可尺寸抄勺而均乃爲錢以通貿易官鑄所入無幾  
而工費多宜縱民鑄議下百官宰相裴耀卿黃門侍郎李林

南河南少尹蕭昺祕書監崔沔皆以爲嚴斷惡錢則人知禁  
稅銅折役則官治可成計估度庸則私錢以利薄而自息若  
許私鑄則下皆棄農而競利矣左監門衛錄事參軍事劉秩  
曰今之錢古之下幣也若舍之任人則上無以御下下無以  
事上不可一也物賤傷農錢輕傷賈物重則錢輕錢輕由乎  
物多多則作法收之使少物少則作法布之使輕柰何假人  
不可二也鑄錢不稜鉛鐵則無利稜則錢惡今塞私鑄之路  
人猶冒死況設陷弄誘之不可三也鑄錢無利則人不鑄有  
利則去南畝者眾不可四也人富則不可以賞勸貧則不可  
以威禁法不行人不理繇貧富不齊若得鑄錢貧者服役於  
富室富室獲而益恣不可五也夫錢重繇人日滋於前而鑄

不加舊公錢與銅價頗等故破重錢爲輕錢銅之不贖在采  
用者眾也銅之爲兵不如鐵爲器不如漆禁銅則人無所用  
盜鑄者少公錢不破人不犯死錢又日增是一舉而四美兼  
也是時公卿皆以縱民鑄爲不便於是下詔禁惡錢而已信  
安郡王禕復言國用不足請縱私鑄議者皆畏禕帝弟之貴  
莫敢與抗獨倉部郎中韋伯陽以爲不可禕識亦格其年十  
月六日  
勅貨幣兼通將以利用而布帛爲本錢刀是末賤本貴末爲  
弊則深法效之間宜有變革自今以後所有莊宅口馬交易  
並先用絹布綾羅絲綿等其餘市買至  
一千以上亦令錢物兼用違者科罪二十六年宣潤等州  
初置錢監兩京用錢稍善米粟價益下其後錢又漸惡詔出  
銅所在置監鑄開元通寶錢京師庫藏皆滿天下盜鑄益起  
廣陵丹楊宣城尤甚京師權豪歲歲取之舟車相屬江淮偏

鑪錢數十種。雜以鐵錫輕漫無復錢形。公鑄者號官鑪錢。一以當偏鑪錢七八。富商往往藏之。以易江淮私鑄者。以京錢有驚眼古文綫環之別。每貫重不過三四斤。至翦鐵而緡之。宰相李林甫請出絹布三百萬匹。平估收錢。物價踊貴。訴者日萬人。兵部侍郎楊國忠欲招權。以市恩。揚鞭市門。日行當復之。明日詔復行舊錢。天寶十一載。又出錢三十萬緡。易兩市惡錢。出左藏庫排斗錢。許民易之。國忠又言錢非鐵錫銅沙穿穴古文皆得用之。是時增調農人鑄錢。既非所習。皆不聊生。內作判官韋倫。請厚價募工。絲是役用減。而鼓鑄多。天下鑪九十九。絳州三十。揚潤宣鄂蔚皆十。益郴皆五。洋州三。定州一。每鑪歲鑄錢三千三百緡。役丁匠三十。費銅二萬一。

千二百斤鐵三千七百斤錫五百斤每千錢費錢七百五十  
天下歲鑄三十二萬七千緡肅宗乾元元年經費不給鑄錢  
使第五琦鑄乾元重寶錢徑一寸每緡重十斤與開元通寶  
參用以一當十亦號乾元十當錢先是諸鑪鑄錢麻薄鎔破  
錢及佛像謂之盤陀皆鑄爲私錢犯者杖死第五琦爲相復  
命絳州諸鑪鑄重輪乾元錢徑一寸二分其文亦曰乾元重  
寶背之外郭爲重輪每緡重十二斤與開元通寶錢並行以  
一當五十是時民間行三錢大而重稜者亦號重稜錢濶既  
屢易物價騰踊米斗錢至七千餓死者滿道初有虛錢京師  
人人私鑄併小錢壞鐘像犯禁者愈眾鄭叔清爲京兆尹數  
月榜死者八百餘人肅宗以新錢不便命百官集議不能改

上元元年減重輪錢以一當三十開元舊錢與乾元十當錢皆以一當十碾磴鬻受得爲實錢虛錢交易皆用十當錢由

是錢有虛實之名

史思明據東都亦鑄得一元實錢徑一寸四分以一當開元通寶之百既而惡得一

非長許之非改其文曰應天元寶

代宗卽位乾元重寶錢以一當二重輪錢

以一當三五三日而大小錢皆以一當一自第五琦更鑄犯法者日數百州縣不能禁止至是人甚便之其後民間乾元

重稜二錢鑄爲器不復出矣

諸道鹽鐵轉運使劉晏以江嶺

貨輸京師不足以供道路之直於是積之江淮易銅鉛薪炭

廣鑄錢每歲得十餘萬緡輸京師及荆揚二州自是錢日增

矣建中元年九月戶部侍郎韓洄上言江淮錢監歲共鑄錢四萬五千貫輸于京師度工用轉送之費每貫計錢二千是本倍利也今商州有紅崖冶出銅益多又有洛源監久廢不

理請增工鑿山以取銅興洛源故監置十鑪鑄之歲計出錢  
七萬二千貫度用工轉送之費貫計錢九百則浮本矣其江  
淮七監請皆停罷從之二年八月諸道鹽鐵使包佶奏江淮  
百姓近日市肆交易錢交下粗惡博納官者三分纔有二  
分餘並鉛錫銅盪不敷斤兩致使絹化加貴惡錢漸多訪聞  
諸州山野地窖皆有私錢轉相貨易姦宄漸深今後委本道  
觀察使明立賞罰切加禁斷貞元九年正月張滂奏諸州府  
公私諸色鑄造銅器雜物等伏以國家錢少損失多門興販  
之徒潛將銷錢一千爲銅六斤造寫器物則斤直六百餘有  
利既厚銷鑄遂多江淮之間錢實減耗伏請準從前勅文除  
鑄境外一切禁斷十年六月勅今後天下鑄造買賣銅器並

不須禁止其器物約每斤價直不得過一百六十文委所在  
長吏及巡院同勾當訪察如有銷錢爲銅者以盜銅錢罪論  
十四年十二月鹽鐵使李若初奏諸道州府多以近日用泉  
貨數少緡帛價輕禁止見錢不令出界致使課利有缺商賈  
不通請借緡見錢任其往來勿使禁止從之憲宗以錢少復  
禁用銅緡鐵使李巽以郴州平陽銅坑二百八十餘復置  
桂陽監以兩鑄日鑄錢二十萬天下歲鑄錢十三萬五千緡  
命商賈蓄錢者皆出以市貨天下有銀之山必有銅唯銀無  
益於人五嶺以北採銀一兩者流它州官吏論罪元和四年  
京師用錢緡少二十及有鉛錫錢者捕之非交易而錢行衢  
路者不問復詔採五嶺銀坑禁錢出嶺六年貨易錢十緡以

上者參用布帛蔚州三河治距飛狐故監二十里而近河東  
節度使王鐔置鑪疏拒馬河水鑄錢工費尤省以刺史李聽  
爲使以五鑪鑄每鑪月鑄錢三十萬自是河  
錢皆廢會  
吳元濟王承宗連衡拒命以七道兵討之經費屈竭皇甫鏽  
建議內外用錢每緡墊二十外復抽五十送度支以贍軍十  
二年勅文武官僚公郡縣主中使下至士庶商旅寺觀坊市  
私貯見錢不得過五千貫勅出後限一月市別物收貯違者  
白身處死有官人聞奏科貶其贖貯錢納官五分取一充賞  
時京師區肆所積多方鎮錢王鐔韓弘李惟簡少者不下五  
十萬貫於是競買地屋以變其錢而高貲大賈倚左右軍  
官錢爲名府縣不敢劾問穆宗卽位京師鬻金銀十兩墊一

兩羅米鹽百錢墊七八京兆尹柳公綽嚴法禁止之而所在  
墊陌不一詔從俗所宜內外給用緡墊八十寶歷初河南尹  
王起請銷錢爲佛像者以盜鑄錢論太和三年詔佛像以鉛  
錫土木爲之飾帶以金銀鑰石烏油藍鐵唯鑑碧釘銀鈕得  
用銅餘皆禁之盜鑄者死是時峻鉛錫錢之禁令千錢者賞  
以五千四年詔積錢以七千緡爲率十萬緡者期以一年出  
之二十萬以二年凡交易百緡以上者匹帛米粟居半河南  
府揚州江陵府以都會之劇約束如京師未幾皆罷八年河  
東錫錢復起鹽鐵使王涯置飛狐鑄錢院於蔚州天下歲鑄  
錢不及十萬緡文宗病幣輕錢重詔方鎮縱錢穀交易時雖  
禁銅爲器而江淮嶺南列肆鑄之鑄千錢爲器售利數倍宰

相李珣請加鑄鑄錢於是禁銅器官一切爲市之天下銅坑五十歲採銅二十六萬六千斤及武宗廢浮屠法永平監官李郁彥請以銅像鐘磬鑄鐸皆歸巡院州縣銅亦多矣鹽鐵使以工有常力不足以加鑄許諸道觀察使皆得置錢坊淮南節度使李紳請天下以州名鑄錢京師爲京錢大小徑寸如開元通寶交易禁用舊錢會宣宗卽位盡黜會昌之政新錢以字可辨復鑄爲像昭宗末京師用錢八百五十爲貫每百纔八十五河南府以八十爲百云

論曰三古之時穀帛爲本歲有乏歉則行錢幣故象其流轉而謂之泉蓋將以通穀帛之窮而爲救時權宜之策也考于傳記禹採歷山之金湯鑄莊山之幣周官司

市作凶荒之布管仲相齊設輕重之法大率以此之有  
餘濟彼之不足而已蓋穀帛多則人戀本錢幣少則人  
賤末鄉井皆土著之氓商賈無藏錙之室古之時風俗  
所以獨美者職此故也漢氏以來浸失古意至武帝定  
告緡之令摧并兼之權利權一歸于上而不軌逐末之  
民冒法抵禁賄死不顧用是刑罰日積盜賊四起其不  
遂亂且亡者特文景之德澤未泯耳竊嘗論之古者俗  
樸而民純日用市易挾穀帛以從事而不聞有所爭競  
于其間至後世好巧煩生遂有濕穀薄絹之患是以魏  
明帝採司馬芝之論卒捐穀帛而行五銖可謂順時已  
行權者矣夫俗之漸人也其勢積重而難變雖以萬乘

之威有時不能行于編戶之民又況利之所在趨者若  
鶩赴湯蹈火有所不辭而婢婢然恃法令以求勝其下  
則亦非君人者之體也唐之憲宗禁人貯錢過五千貫  
以上科以重罪而當時方鎮之錢藏在都市累百巨萬  
左右神策軍人庇隱豪賈之家有司莫敢過問玩法撓  
令自貴近始蚩蚩之眾其孰從而信之馬氏端臨以爲  
多開告訐之門適滋煩擾之害其言諒哉

六典通考卷四十四

湖西閭鎮珩輯

邦計考

歷代泉貨

後唐同光二年敕京師及諸道禁斷雜惡鉛錫錢沿江州縣舟船到岸嚴加覺察不許惡錢換易好錢私載並收納天成

元年令三京諸道州府城門見錢五百以上不得放出

中書門下

奏聞諸道州府所買賣銅器價貴多是鎔鑄見錢以邀厚利宜通告曉如元舊破損銅器及碎銅許鑄造銅器生銅每斤價二百熟銅每斤四百如違省價依盜鑄錢律二年敕買賣見錢舊每陌八十文近

訪聞在京及諸道市肆人戶皆將短陌轉換長錢今後凡有買賣並使八十陌錢如有輒將短錢與販仰所在收捉禁治

宋史自唐天祐中兵亂窘乏以八十五錢爲百後唐天成中減五錢漢乾祐初復減三錢四年制今後錢

陌內捉到一文二文係夾帶鉛鐵錢不計多少納官科罪

晉天福三年詔曰國家所資泉貨爲重銷鑿則甚添鑄無聞

宜令三京諸道州府無問公私有銅者並許鑄錢仍以天福

元寶爲文左環讀之一錢重二銖四參十錢重一兩仍禁鉛

鐵雜鑄諸道有久廢銅冶許百姓取便開鍊官不取課除鑄

錢外不得別鑄銅器十二月敕令天下公私應有銅欲鑄錢者兩量輕重鑄造不得入鉛鐵及缺落

不堪久遠流行四年敕天下公私鑄錢雜以鉛錫缺小違條今後祇

官鑄造私禁如舊

漢隱帝時王章爲三司使聚斂刻忌舊制錢出入皆以八十

爲陌章始令入者八十出者七十七謂之省陌

日知錄梁武帝中大同元

年詔曰頃聞外間多用九陌錢陌減則物貴陌足則物賤徒亂王制無益民財自今可通用足陌錢詔下而人不從錢陌益少至於末年遂以三十五爲百唐憲宗元和中京師用錢每貫頭除二十文穆宗長慶元年以所在用錢墊陌不一教內外公私給用錢宜每貫一例除墊八十以九百二十文成貫至昭宗末京師以入百五十爲貫每陌纔入十五河南府以八十爲陌舊唐書哀帝紀天祐二年四月丙辰敕河南府自今市肆交易並以八十五文爲陌不得更有改移宋史言宋初凡輸官者亦用八十或八十五爲陌諸州私用則各隨其俗至有以四十八爲百者太平興國中詔所在以七十七爲百金史言大定中民間以八十爲百謂之短錢官用足陌謂之長錢大名男子幹魯補者上言謂官司所用錢皆當以八十爲百遂爲定制衰季之朝與亂同事大抵如此而抱朴子云取人長錢還人短陌則是晉時已有之不如於梁也

周顯德元年敕立監採銅鑄錢自非縣官法物軍器及寺觀鍾磬鉞鐸之類聽畱外其餘民間銅器佛像五十日內悉令

輸官給其直過期隱匿不輸五斤以上其罪死不及者論刑

有差

日知錄洪武二十年四月工部右侍郎秦遠言寶源局鑄錢乏銅請令郡縣收民間廢銅以資鼓鑄上曰鑄錢

本以便民今欲取民廢銅以鑄錢朕恐天下廢銅有限斯令一出有司急於奉承小民迫於誅責必至毀器物以輸官其爲民害甚矣姑停之上謂侍臣曰卿輩勿以毀佛爲疑夫佛以善道化

人苟志於善斯奉佛矣彼銅像豈所謂佛耶且吾聞佛在利

人雖頭目猶捨以布施若朕身可以濟民亦非所惜也五代史高麗地產銅銀周世宗時遣尚書水部員外郎韓彥卿以帛數

千匹市銅於高麗以鑄錢顯德六年高麗王昭遣使者貢黃銅五萬斤李璟旣失江北困於用兵鍾謨請鑄大錢以一

當十文曰永通泉貨謨得罪而大錢廢韓熙載又鑄鐵錢以一

日唐國通寶又別鑄如唐制而篆文其後鑄鐵錢每十錢以

鐵錢六權銅錢四而行

宋太祖初鑄錢文曰宋通元寶凡諸州輕小惡錢及鐵錕錢

悉禁之限一月送官其私鑄者皆棄市銅錢闕出江南塞外

及南蕃諸國至二貫者徒一年三貫以上棄市募告者賞之

江南錢不得至江北蜀平聽仍用鐵錢開寶中詔雅州百丈縣置監冶鑄禁銅錢入兩川太平興國四年始開其禁而鐵錢不出境令民輸租及椎利鐵錢十納銅錢一時銅錢已竭民甚苦之商賈爭以銅錢入川界與民互市銅錢一得鐵錢十四轉運副使張諤言川峽鐵錢十直銅錢一輸租卽十取二舊用鐵錢千易銅錢四百自平蜀沈倫等悉取銅錢上供及增鑄鐵錢易民銅錢益賈金銀裝發頗失裁制物價滋長鐵錢彌賤請市夷人銅斤給鐵錢千可以大獲銅鑄錢民租當輸錢者許且輸銀絹候銅錢多卽漸令輸又詔令市夷人銅斤給鐵錢五百餘皆從之既而從轉運使劉度之請以鐵錢四百易銅錢一百後竟罷之江南舊用鐵錢民勿便樊若水請于虔吉等州未有銅錢之地各發六七萬緡俾市金帛輕貨上供及博糴穀麥又於饒州產銅之地大鑄銅錢銅錢既不渡江益出新錢則民間錢愈多鐵錢

自當不用從之初饒州永平監歲鑄錢六萬貫平江南增爲  
七萬貫轉運使張齊賢得南唐承旨丁釗能知饒信等州山  
谷產銅鉛錫乃便宜調民采取八年詔增市鉛錫炭價於是  
歲鑄錢三十萬貫然民間猶雜用舊大小錢時以福建銅錢  
少令建州鑄大鐵錢並行尋罷而私有鐵錢十萬貫不出州  
境每千錢與銅錢七百七十等雍熙初令江南諸州官庫所  
貯雜錢每貫及四斤半者送闕下不及者銷毀淳化二年宗  
正少卿趙安易言嘗使蜀見所用鐵錢至輕市羅一匹爲錢  
二萬請改鑄一當十大錢小鐵錢悉輦送官若改鑄未集計  
民大小兼用既而一歲纔成三千餘貫眾皆以爲不便遂罷  
治鑄五年令川峽仍以銅錢一當鐵錢十荆湖嶺南民輸稅

須大錢民以小錢二或三易大錢一官屬以奉錢易於民以  
規利詔自今但輸常所通行錢官吏無得以奉錢換易天禧  
時銅錢有四監饒州曰永平池州曰永豐江州曰廣甯建州  
曰豐國京師昇鄂杭州安南軍舊皆有監後廢凡鑄錢用銅  
三斤十兩鉛一斤八兩錫八兩得錢千重五斤唯建州增銅  
五兩減鉛如其數至道中歲鑄八十萬貫景德中增至一百  
八十三萬貫天禧末鑄一百五萬貫鐵錢有三監卽州曰惠  
民嘉州曰豐遠興州曰濟眾益州雅州舊亦有監後並廢大  
錢貫十二斤十兩以準銅錢嘉卽二州所鑄貫二十五斤八  
兩後以鐵重多盜鑄爲器每二十五斤鬻直二千許申爲三  
司度皮判

官建議以藥化鐵與銅雜鑄銅鑄二分鐵六分皆有奇麻亦  
得錢千貫官兩利厚詔申用其法大率鑄錢雜鉛錫則其液

流速而易成申維以錢流溢而多不就工初太宗改元鑄太

平通寶淳化更鑄親書淳化元寶作真行草三體至仁宗改

元寶元特命以皇宋通寶爲文慶厯後復冠以年號自天聖

以來銅禁如舊慶厯初闕出錢千爲首者抵死軍興陝西移

用不足始置阜民朱陽二監鑄錢既而都轉運使張奎知永

興軍范雍請鑄大銅錢與小錢兼行大錢一當小錢十又請

因晉州積鐵鑄小錢及奎徙河東又鑄大鐵錢亦以一當十

未幾三司奏罷而陝西復采儀州竹尖嶺黃銅置博濟監鑄

大錢江池饒儀號又鑄小鐵錢悉輦致關中大約小銅錢三

可鑄當十大銅錢一故民間盜鑄者眾物價翔踴公私患之

葉清臣爲三司使上議曰關中用大錢本以縣官取利太多致姦人盜鑄其用日輕比年虛高物估始增直於下終取償

於上縣官雖有折當之虛名乃受虧損之實害揆弊不先自  
折則法未易行請以江南儀商等州大銅錢一當小錢三小  
鐵錢三當銅錢一河東小鐵錢亦以三  
當一且罷官所置爐自是姦人稍無利  
叟者語人曰是與周景王所鑄無異上其感心腹之疾乎已  
而果然時興元府西縣增置濟遠監而韶州天興銅大發歲  
采二十五萬斤詔卽州置永通監皇祐中饒池江建韶五州  
鑄錢百四十六萬緡嘉卽興三州鑄大錢二十七萬緡至治  
平中饒池江建韶儀六州鑄錢百七十萬緡而嘉卽以率買  
鐵炭爲擾停鑄至是獨興州鑄錢三萬緡熙甯初同華二州  
積小鐵錢四十萬緡詔賜河東以鐵償之四年陝西轉運副  
使庾公弼奏自行當一錢銅費相當盜鑄衰息請以舊銅鉛  
盡鑄詔聽之自是折二錢遂行天下神宗時詔京西淮南兩

浙江西荆湖五湖各置監江南湖十五萬緡餘路十萬緡爲額仍申熟錢斤重之限又以興國軍陸衡舒鄂惠州置監六通舊十六監增提點官惠州永通阜民監舊額八十萬至七年增三十萬及折二五十萬衛州黎陽監增折二五萬緡西京阜財監增市易本錢十萬緡興州濟眾監增七萬二千餘緡陝西三監各增五萬緡而睦州置神泉徐州置寶豐梧州萬州以多礦皆置監又詔秦鳳等路卽鳳翔府斜谷置監已而所鑄錢青銅夾錫脆惡易毀罷之洛南置三監羅鄜權置兩監通永興華河中陝舊監爲九以給改鑄永興鄜羅河中陝去鐵冶遠聽改鑄一年罷商洛南華號最近鐵冶聽久置鄜州等五監候罷改鑄并其工作歸永興等四監元豐後錢禁日弛銷毀與闕出境者多張方平極諫曰禁銅造幣盜鑄者抵死示不與天下共其利也故

事諸監鑄錢悉入王府歲出奇羨給之三司然自太祖平江南池饒歲鑄百萬緡積百年宜乎貫朽於中藏矣比年公私苦乏人謂之錢荒不知歲所鑄錢安在自熙甯頒新敕除錢禁邊關重車而出海舶飽載而同聞沿邊州軍錢出外界每貫收稅而已錢本中國寶貨今乃與四夷共用自廢罷銅禁民間鉛錫十錢得精銅一兩獲利五倍如此則逐州置爐每爐增數猶畎澮之益而供尾閭之泄也元祐八年命公私專用鐵錢而官帑銅錢以時運致內郡商旅願於內郡入便錢給據加饒先是太祖取唐飛錢故事許民入錢京師於諸州便換開寶三年置便錢務令商人詣務陳牒輦致左藏庫給以券至道末商入便錢百七十餘萬貫天禧末增一百一十

三萬貫至是增定加饒之數行焉熙豐間銅錢千易鐵錢千五百至紹聖初銅錢千易鐵錢二千五百元符二年詔陝西禁銅錢在民者盡送官而官銅悉就京西置監徽宗嗣位通判鳳州馬景夷言銅錢流注天下雖千百年未嘗有輕重之患獨鐵錢局於一路限以十州之地欲無滯礙安可得乎諸州錢監鼓鑄不已以無窮之錢供有限之用積滯一隅暴如邱山謂宜弛其禁界許鄰近河陝等路凡解鹽地州縣通行折二鐵錢流注無窮自無輕重之患繼而言者謂鐵錢重滯難以齎遠民間皆願復用銅錢乃詔銅鐵錢聽民通行而銅錢止用糴買建中靖國元年始令陝西及江池饒建州以歲所鑄小平錢增料改鑄當五錢以聖宋通寶爲文并令舒

睦衡鄂錢監用陝西式鑄折十錢募私鑄人爲官匠設營以居之號鑄錢院發運司因請以官幣折二錢改鑄折十錢三年罷鑄小平錢及折五錢改鑄折二錢爲折十命諸路轉運司隨宜增置錢監俾民所有折二錢納官改鑄折十錢二廣產鐵令鑄小鐵錢於潯州置監依陝西例鑄當二錢四年崇甯監以所鑄御書當十錢來上緡用銅九斤七兩有奇鉛半之錫三之一詔頒式諸路令赤仄及烏背書畫分明御史沈疇奏曰古者軍興賞不繼或以一當百或以一當十此權時之宜豈可行於無事之日哉當十鼓鑄有數倍之息雖日禁之不可遏未幾詔當十錢止行於京師陝西河東河北并畿內餘路悉禁尋詔鄭州西京亦聽用折十錢禁質易爲二價

者折十錢幣既重一旦更令民驟失厚利又諸路或用或不盡輸於官冒法私販始令四輔畿內開封府許搜索舟車官司失察者停替而受納不揀選鎔私錢者以差定罪又以私錢多不能禁乃令外路一私錢計小平錢三在京以四大小錢參用而私鑄小平錢輒行用立搜索告捕罪賞越江淮入汴錢至京者依當十錢法大觀元年張茂直言州縣督捕私小黃錢投委江河不敢復出請令東南州縣置木匱封鍵聽民以私錢自投如自首法當三當五錢亦多棄之江河請下諸路撈灑時蔡京復相主用折十錢二月首鑄御書當十錢復京畿兩監以轉運使宋喬年領之名曰提舉京畿鑄錢司喬年鑄烏背漉銅錢來上詔以式頒行

京初爲折十錢人不便帝亦知之故

後稍更其法及京再得政復行之會有告蘇州章錠盜鑄數千萬緡送與大獄錠坐自流海島連坐十餘人

是歲

京畿專鑄當十錢而小平錢鑄於諸路既而當十錢少復置  
真州錢監又令江池饒建州錢監鑄當十五分鑄小平錢申  
嚴私鑄之法度越關津拒捏搜索者以違制論載御物者同  
之又禁陝西鐵錢入蜀有董奎者爲走馬承受以鐵錢三折  
銅錢一事聞奎坐責卽罪三年申當十錢行使之令時禁京  
復罷政矣張商英爲相奏言當十錢爲害久舊小平錢有出  
門之禁故客旅得錢大半入中請鹽鈔收告牒而餘錢流布  
市井此上下交相養也自當十錢行一夫負八十千小車載  
四百千錢爲輕齎之物則告牒爲滯貨鹽鈔非得虛擡之息  
不行臣今欲令折十錢限民送官十千給銀絹各一匹兩錢

入官惡者鑄小平錢好者折三行用政和元年詔諸路所鑄  
小平錢行之久而無弊往歲圖利之臣鼓鑄當十錢苟濟目  
前不究悠久用之幾十年法日弊而不勝姦民規利冒法所  
在盜鑄濫錢益多百物增價其官私見在當十錢可竝作當  
三爲定制國史補國朝鑄錢製五代及南唐故事歲額日增  
至慶厯元豐間最盛銅鐵錢歲無慮三百餘萬貫  
及元祐紹聖而廢弛崇寧初不及祖宗之數多矣魯公秉政  
思復舊額以銅少不能得因作大錢以一當十至大觀上又  
爲親書錢文焉蓋昔者鼓冶凡物料火工之費鑄一錢凡十  
得息者一二而磨官吏運銅鐵悉在外也苟稍加工則費一  
錢始能成一錢而當十錢其重三錢加以鑄三錢之費則制  
作極精乃得大錢一是一十得息四矣始亦通流以其精緻人  
愛重之然利之所在故多有盜鑄錢既鑄薄製作粗惡大觀  
三年魯公既罷朝議改爲當三當三則折閱倍焉雖縣官亦  
不能鑄而初京主行夾錫錢鑄於陝西以一折銅錢二每緡  
大錢送廢初京主行夾錫錢鑄於陝西以一折銅錢二每緡  
用銅八斤黑錫半之白錫又半之及京復罷政東南所鑄皆

罷明年并河北河東京東等路罷之惟河東三路存舊監政和元年詔陝西舊行鐵錢地依元豐年大鐵錢折二公私通行夾錫錢同之童貫宣撫陝西以詔亟平物價帥臣徐處仁責其非坐貶錢卽經略鄜延抗疏言宣撫司裁損米穀布帛金銀之價殆非人情徐處仁言雖未盡所見爲長詔卽妄有建明謫直偏州尋亦罷夾錫錢且禁裁物價繼而童貫復請鐵錢並折二通行時關中錢甚輕夾錫又以重之其時與鐵錢等物價日增患甚於當十二年蔡京復得政條奏廣惠康賀衡鄂舒州昨鑄夾錫錢精善請復鑄如故且令諸路錢監改鑄夾錫遂以政和錢頒式而嚴擅易擡減之令凡以金銀絲帛等質易弗受夾錫要銅錢者聽人告論以法懲治陝西

用政和通寶舊大鐵錢與夾錫錢雜慮流轉諸路四年詔毋更行用劉正夫爲相令淮南夾錫錢期三日官私俱禁仍罷鼓鑄未幾諸路竝罷止用舊法鼓鑄紹興初併廣甯監於虔州併永豐監於饒州歲鑄纔八萬緡鑄錢一千用本錢二千四百六年贛饒二監新額錢四十萬緡提點官趙伯瑜以爲得不償費罷鼓鑄十三年韓球爲使復鑄新錢興廢坑冶至發冢壞舍籍治戶姓名以贍水盛時浸銅之數爲額浸銅之法以生鐵鍛成薄片排置贍水槽中浸漬數日鐵片爲贍水所薄上生赤煤取刮鐵煤入爐三煉成銅大率用鐵二斤四兩得銅一斤饒州與利場信州鉛山無銅可輸者至踏錢爲銅然所場各有歲額所謂贍銅也鑄亦纔十萬緡二十七年出版漕錢八萬緡爲鑄本歲權以十五萬緡爲額復饒贛韶鑄錢監二十九年令命官畱見錢

二萬買民庶半之餘限二年聽轉易金銀算請茶鹽香礬鈔引之類越數寄隱許人告提點鑄錢公事李植言歲額內藏庫二十三萬緡右藏庫七十餘萬緡紹興以來歲收銅二十萬斤鉛二十萬錫五百斤僅鑄錢十萬緡諸道拘到銅器二百萬斤附以鉛錫可鑄六十萬緡今權以五十萬緡爲額明年擬鑄十萬緡泉司歲額增至十五萬緡小平錢一萬八千緡折二錢六萬六千緡歲費約二十六萬緡司屬費又二萬緡每當二錢千重四斤五兩小平錢千重四斤十三兩視舊制銅少鉛多錢愈鏹簿矣隆興元年詔鑄當二小平錢如紹興之初乾道迄于嘉泰開禧皆如之乾道六年併鑄錢司歸發運司八年饒州贛州各置提點官九年江西湖廣間多毀錢夾以沙泥

重鑄號沙尾錢詔嚴禁之慶元三年復禁銅器期兩月鑄於

官每兩三十湖州舊鑄監至是官自鑄之復神泉監以所括

銅器鑄當三大錢舊額內帑歲收新錢一百五萬

江池饒建四監

而

每年退卻六十萬三年一郊以三百萬輸三司是歲額止十

五萬而隸封樁者半內藏者半左藏無所得焉自置市舶司

舶商往來錢寶由以泄是以自臨安出門下江海皆有禁焉

葉適曰宋朝無時不鼓鑄以開元錢爲準如太平天禧錢又過於開元仁宗以前如太平錢最好自熙寧以後不甚佳國初惟要錢好不計工費後世惟欲其富往往減工縮費所以錢稍惡若乾道紹興錢又不及熙豐遠矣

淮南舊

鑄銅乾道初詔用鐵錢荆門地接襄峴亦用鐵錢先是和州

舊有錢監舒州山口鎮亦有古監司農丞許子中以舒斬黃

皆產鐵請各置監

舒州同安監蕪州新  
春監黃州齊安監

鑄折二錢以發運司

通領四監

江之廣陵監與國之大冶監  
臨江之豐餘監撫之裕國監

其大小鐵錢令兩淮

通行淮民爲之大擾淳熙五年詔舒州歲增鑄以三十萬貫  
爲額蘄州十五萬貫爲額如更增鑄優與權賞尋曰御史黃  
洽言遂詔除之又以舒州水遠薪炭不便減額同蘄州數十  
二年詔舒蘄並增五萬貫以淳熙通寶爲文江北銅錢一折  
鐵錢四自乾道以來或以會子易銅錢其錢輸送行在及建  
康鎮江嚴禁漏泄於邊界三里內立堠其易京西銅錢如兩  
淮例京西湖北鐵錢取給於漢陽興國富民監後併富民監  
於漢陽以二十萬爲額嘉熙元年新錢當二并小平錢以嘉  
熙通寶爲文當三錢以嘉熙重寶爲文淳祐四年右諫議大  
夫劉晉之言巨家停積猶可發洩銅器鈺銷猶可上邊唯一

入海舟往而不返於是復申嚴漏泄之禁八年監察御史陳求魯言議者謂楮便於運轉故錢廢於蟄藏急於扶楮者至嗾盜賊以窺人閩奧峻刑法以發人窖藏然患在於錢之荒而不在於錢之積也番舶巨艘販於中國者皆浮靡無用之異物而泄於外夷國家富貴之操柄以長沙一郡言之烏山銅爐之所六十有四麻潭鷺羊山銅戶數百家錢之不壞於器物者無幾今鑰銅器用之類鬻賣公行畿甸之近一繩以法由內及外觀聽聿新則鈺銷之姦知畏矣香藥象犀異物珍奇本無適用之實服御示儉自上化下則漏泄之弊少息矣詔從之寶祐元年新錢以皇宋元寶爲文

論曰財利者國之大權也人主失之而使臣下得之則

國弱中國棄之而使夷狄收之則國亡自漢唐已來夷狄無時不與中國爭利顧吾所以御之者何如耳投骨於地羣犬信信然起主人操挺而逐之則犬逃否則必有噬臍之患當宋中葉契丹與吾爭强大西夏南蠻輔之爲害於時三方之商民無日不來中國捆載錢幣紛紛以去其後闢出於邊裔者日多矣而支絀之患形於內當是時張方平蘇轍諸人屢用建議以爲憂然宋之君臣卒拱手而莫之爲計也欲禁則力不能與絕則勢不可是紛紛者聽其取攜一空而已夫天地之財生有常數苟盈於彼必歉於此譬諸血脈在人終日已其力相灌輸偶或一肢未周卽壅遏偏枯之疾生焉今也流

通一身之間尙未能有餘而復攻之以酒色益之曰風  
邪其疾且一發而不可療甯特癘過偏枯而已哉故自  
元豐以後諸路鼓鑄之錢歲增億萬而國用益以空虛  
至於靖康卒受蒙塵之禍豈非積漸之勢實然與夫爭  
於前骨盡於後主人坐觀之而不能制勢不至反噬其  
身而不止吾以爲靖康之事蓋是矣

遼先代色勒迪

原作撒刺的

爲額爾奇木

原作夷窩董

以土產多銅始

造錢幣太祖用之遂至富彊太宗置五冶太師總四方錢鐵  
石敬瑭獻沿邊所積錢以備軍實景宗以舊錢不足鑄乾亨  
新錢聖宗鑿大安山取劉守光所藏錢散諸五計司兼鑄大  
平錢新舊互用統和出內藏錢賜南京諸軍司開泰中詔諸

道貧民有典質男女日計傭價十折盡還父母歲春秋以官錢宴饗將士錢不勝多故東京所鑄至清甯中始用是時詔禁諸路貨銅鐵以防私鑄又禁銅鐵賣入回鶻法益嚴矣道宗世錢四等曰咸雍太康大安壽隆皆因改元易名嘗詔楊遵勗徵戶部司漕戶舊錢得四十餘萬繼拜樞密直學士劉仲爲戶部使歲入羨餘錢三十萬繼擢南院樞密使災沴則出錢振貧乏及諸宮分邊戍人至其末年鼓鑄仍舊國用不給海雲佛寺助之千萬受而不拒尋禁民錢不得出境天祚世更鑄乾統天慶二等新錢而上下窮困府無餘積

金初用遼宋舊錢天會末雖劉豫阜昌元寶阜昌重寶亦用之海陵遷都戶部尙書蔡松年製交鈔與錢並用正隆二年

始議鼓鑄禁銅越外界懸罪賞格括民間銅鎗器陝西南京者輸京兆他路悉輸中部三年中都置錢監二東曰寶源西曰寶豐京兆置監曰利用錢文曰正隆通寶輕重如宋小平錢而肉好字文峻整過之與舊錢通用大定元年命陝西路參用宋舊鐵錢旋不行詔陝西行戶部并兩路通檢官詳究皆言民間鐵錢兼用實不爲準數公私不便遂罷之

民有犯銅禁者

上曰銷錢作銅舊有禁令然民間猶有鑄鏡者非銷錢而何遂併禁之

十一年禁私鑄銅鏡舊

銅器悉送官給其直之半十二年遣使諸路規措銅貨上與宰臣議鼓鑄宰臣曰所在金銀坑冶皆可採以鑄錢竊恐工費過於所得數倍上曰金銀山澤之利當以與民惟錢不當私鑄今國家財用豐盈若流布四方與在官何異

上問左丞石琚曰古

亦有民自鑄錢者平琚對曰民若自鑄則小人圖利錢以薄惡古所以禁也 十八年代州立監鑄

錢斑駁黑澁不可用詔削主監者官兩階更命他官監鑄錢文曰大定通寶字文肉好又勝正隆世傳其錢料微用銀云十九年鑄至萬六千餘貫詔先以五千進呈而後用初新錢未行以宋大觀錢當五用之上聞上京修內所市民物不卽與直又用短錢責宰臣曰此小事卿等何不察也十一月名代州監曰阜通設監一員以州節度兼領副監一員以同知兼領丞一員勾當官二員給銀牌命副監及丞更馳驛經理後上以阜通監鼓鑄歲久錢不加多乃設副監監丞爲正員而以節度領監事上以中外皆言錢難欲令諸路官錢非屯兵處盡運至京丞相克甯曰民間錢固艱得若盡歸京師民

益艱矣不若起其半至都餘變折輕齎章宗卽位鴈門五臺  
民劉完等訴自立監以來有銅鑛之地雖曰官運其願直不  
足則令民共償乞與本州司縣均爲差配遂命甄官署丞丁  
用相往審其利病還言所運銅鑛民以物力科差濟之非所  
願也願直既低又有刻剝之弊今阜通利用兩監歲鑄錢十  
四萬餘貫而歲費八十餘萬貫病民而多費未見其利也遂  
罷代州曲陽二監初大定間定制民間存留銅鑰器物若申  
賣入官斤給錢二百其棄藏應禁器物首納者斤給錢百非  
器物銅貨一百五十不及斤者計給之在都官局及外路造  
賣銅器價令運司佐貳檢校鏡每斤三百十四文鍍金御仙  
花腰帶十七貫六百七十一文五子荔支腰帶十七貫九百

七十一文攬銀羅文束帶八貫五百六十文魚袋二貫三百  
九文鉞鈔鏡磬每斤一貫九百二文鈴杵坐銅者二貫七百  
六十九文鍮石者三貫六百四十六文明昌二年勅減寶鏡  
價以防私鑄舊嘗逾天山北界外採銅監察御史李炳言有  
司奏在官銅數可支十年若每歲過界遠採不惟多費恐生  
邊衅若支用將盡止可於界內採煉上是其言遂不許出界  
宰臣奏民間錢所以累得以官豪家多積故也唐元和間嘗  
限富家錢過五千者充王公重貶沒入以五之一賞告者上  
令參酌定制官民之家限見錢多不過二萬貫猛安謀克不  
得過萬貫有餘盡令易諸物收貯之有能告數外畱錢者奴  
婢免爲良滿者出離以  
十之一賞餘皆沒入

元武宗至大三年初行錢法立資國院泉貨監錢曰至大通  
寶一文準至大銀鈔一釐曰大元通寶一文準至大通寶錢

十六歷代銅錢通用其當五當三折二並依舊數明年仁宗以鼓鑄弗給與銀鈔皆廢院監亦罷而專用至元中統鈔云

輟耕錄世皇嘗以錢幣問太保劉文貞公秉忠公曰錢用於陽楮用於陰華夏陽明之區沙漠幽陰之域今陛下龍興朔漠君臨中夏宜用楮幣俾子孫世守之若用錢四海且將不靖遂絕不用後迨武宗頗用之不久輒罷此雖術數謙緯之學然驗之於今果如所言至正十年右丞相托克托欲更鈔法乃會諸臺

省院官議之先是左司都事武祺建言鈔法自世祖時撥支料本倒易昏鈔以市天下凡有合支名目於寶鈔總庫料鈔轉撥所以鈔法疏通民受其利比年失祖宗本意不與轉撥故流轉者少偽鈔滋多遂准其所言之及是僕哲篤與武祺俱附合丞相請更鈔法以楮幣一貫文省權銅錢一千文鈔爲母錢爲子眾皆唯唯集賢大學士呂思誠奮然曰中

統至元自有母子上料爲母下料爲子豈有故紙爲父而以銅爲子者乎又曰錢鈔以虛換實今歷代錢及至正錢中統鈔及至元鈔交鈔分爲五項若民知之藏其實而棄其虛非國之利也楔哲篤武祺曰至元鈔多僞故更之思誠曰至元鈔非僞人爲僞爾交鈔出亦然且至元鈔猶故戚也交鈔猶新戚也人未識之僞反滋多祖宗成憲豈可輕改且自世皇以來諸帝皆諱曰孝改其成憲可謂孝乎武祺欲錢鈔兼行思誠曰錢鈔輕重不倫何者爲母何者爲子汝道聽塗說徒以口舌取媚大臣可乎托克托見其言直猶豫未決御史大夫額森特穆爾言曰呂某坐廟堂高聲厲色若從其言事終不行耶明日諷御史劾之思誠歸臥不出遂定更鈔之議詔

云朕聞帝王因時制宜損益在乎通變世祖皇帝頒中統交鈔以錢爲文雖鼓鑄未遑而錢幣已具後造至元寶鈔以一當五名曰子母相權而錢實未用歲久法敝姦僞日萌哲采輿論謂宜更張其中以中統交鈔一貫文省權銅錢一千文准至元寶鈔二貫仍鑄至正通寶錢與歷代錢並用至元寶鈔通行如故子母相權新舊相濟于是置寶泉提舉司掌鑄至正通寶錢印造交鈔令民間通行未久物價騰踴又值海內大亂軍儲供給交鈔散滿人間昏軟者不復行用京師料鈔十錠易斗粟不可得既而郡縣皆以物貨相質易公私積鈔不行人視若弊楮而國用遂乏矣

明太祖初置寶源局鑄大中通寶錢與歷代錢兼行以四百

爲一貫四十爲一兩四文爲一錢及平陳友諒命江西行省

置貨泉局頒大中通寶錢卽位鑄洪武通寶制五等曰當十

當五當三當一曰小錢當十錢重一兩餘遞降小錢重一錢

各行省皆設寶泉局而嚴私鑄之禁洪武四年改鑄大中洪

武通寶大錢爲小錢寶源局錢鑄京字於背後多不鑄民間

無京字者不行故改鑄小錢尋令私鑄錢作廢銅送官償以

錢是時有司責民出銅民毀器皿輸官鼓鑄甚勞七年設寶

鈔提舉司明年詔中書省造大明寶鈔命民間通行以桑穰

制方高尺廣六寸質青色外爲龍文花欄而橫題其額曰大

明通行寶鈔其內上兩傍復爲篆文入字曰大明寶鈔天下

通行中國錢貫十串爲一貫其下後五年罷寶鈔提舉司書

云中書省奏准印造大明寶鈔省廢以造鈔屬戶部鑄錢屬工部而改寶鈔文中書省爲戶

部與舊鈔兼行十五年內府寶鈔入則廣源庫掌之出則廣

惠庫掌之在外衛所軍士月餼皆給鈔各鹽場給工本鈔二  
十八年天下有司官祿米皆給鈔二貫五百准米一石

十二年詔更定錢式生銅一斤鑄小錢百六十折二錢半之

當三至當十准是爲差更造小鈔自十文至五十文二十六

年令大明寶鈔一貫准錢千文明年罷行用庫及寶錢局時

兩浙民重錢輕鈔錢百六十文折鈔一貫閩廣江西亦然物

價湧貴錢法益壞帝乃令有司悉收民間錢予以鈔用錢及

埋毀者治罪日知錄實錄二十七年八月丙戌禁用銅錢矣  
三十年三月甲子禁用金錢矣三十五年十二

月甲寅命俸米折支鈔者每石增五貫爲十貫是造鈔後不

過數年法已漸壞不行於是奸惡之條充賞之格而卒亦

不能行也蓋昏爛倒換出入之弊必至於此乃以鈔之不利

而并錢禁之廢堅剛可久之貨而行轉熟易敗之物宜其弗  
順於人情後世興利之臣慎無言此可矣  
成祖九年鑄永樂錢宣德九年鑄宣德  
錢弘治十六年鑄弘治錢至世宗嘉靖六年大鑄嘉靖錢重



濫鑄小錢竟不復用而民間競私鑄給事中殷正茂言兩京銅價太高鑄錢得不償費宜采雲南銅運至岳州鼓鑄費工本銀三十九萬兩可得錢六萬五千萬足以少佐國家之急戶部言雲南地僻事簡卽山鼓鑄爲便乃敕撫臣以鹽課銀二萬爲工本巡撫王昺言費多入少乞罷鑄越數年巡按王諍復以爲言時部議錢法謂宣課司收稅七文當一分姦民乘機阻撓錢多則濫惡相欺錢少則增直罔利請自今準折不定文數而課稅官俸俱用銀乃罷雲南鑄錢穆宗初言者謂錢法不行由稅課徵銀而不徵錢且民間用制錢不用古錢而私鑄者多也兵部侍郎譚綸則言欲富民必重布粟而賤銀賤銀必制錢法以濟銀之不及今錢布於下權在市井

又議以年號壅而不通請歲鑄重錢以大明通寶識之直隸  
巡按楊家相所請亦同議格不行會高拱再相言錢法紛更  
小民今日得錢恐明日不用請從民便勿多爲制帝然之錢  
法稍稍通矣萬厯四年鑄萬厯通寶金背錢及火漆錢重一  
錢二分五釐旋鑄鏡邊錢重一錢三分官俸錢糧皆銀錢兼  
給雲南巡按鄒庭梧言自嘉靖開省局停廢民用告匱滇中  
產銅不行鼓鑄而反以重價購海肥非利遂命十三布政司  
皆開局以五銖錢爲准用四火黃銅鑄金背二火黃銅鑄火  
漆錢惡及租淳者罪之久之戶部言初鑄金背十直銀一分  
今萬厯金背五嘉靖金背四直銀一分火漆錢邊亦如之僅  
踰十年而輕重相半錢重物湧宜發庫貯以平其直從之時

王府皆鑄私錢吏不敢詰古錢阻滯國用不足乃命南北寶源局拓地增爐而北錢視南錢昂直三之一天啟元年鑄泰昌錢王象乾請鑄當十當百當千三等大錢用龍文略仿白金三品之制於是兩京皆鑄大錢後詔南京停鑄且收大錢發局改鑄日知錄嘉靖錢最精隆慶萬歷加重半銖而前代北方見多汴宋年號真行草字體皆備間有一二唐錢自天啟崇禎始鑄古錢以充廢銅於是市人皆擯古錢不用而新鑄彌惡旋鑄旋銷寶源泉二局祇爲姦蠹之窟嘗論古錢凡兩大變隋時盡銷古錢一大變天啟以來一大變昔時鸞眼繩環之類無代不有然歷代之錢尙存旬日便可澄汰今則舊錢已盡卽使良工更鑄而海內之廣一時難徧欲一市價而裕民財其必崇禎元年南京鑄本七萬九千餘兩獲息銀用開皇之法乎崇禎元年南京鑄本七萬九千餘兩獲息銀三萬九千有奇戶部鑄錢獲息銀二萬六千有奇其所鑄錢皆以五十五當銀一錢計息取盈寶泉局銅本四十萬兩舊

例錢成還本太倉至是令永作鑄本三年御史饒京請遣官  
各省鑄錢採銅於產銅之地置官吏駐兵做銀礦法十取其  
三帝從之是時鑄廠並開用銅愈多南戶部尚書鄭三俊請  
專官買銅戶部議擇原籍產銅之人駐鎮遠荆常銅鉛會集  
處所謂採銅於產銅之地也既又採絳孟垣曲聞喜諸州縣  
銅鉛荊州抽分主事朱大受言荊州銅鉛畢集一年可四鑄  
四鑄之息兩倍於南三倍於北因陳便宜四事卽命大受專  
督之定錢式重一錢每千銀一兩南都錢輕薄嚴飭定重八  
分日知錄漢五銖唐開元宋以後各年號錢皆一面有字一  
面無字備詠曰自昔以錢之有字處爲陰無字處爲陽其  
陰紀國號如鏡陰之有款識也凡器物之識必書於其底與  
此同義沿襲既久遂以漫處爲背近年乃有別鑄字於漫處  
者天啟大錢始鑄一兩字崇禎錢有戶工等字錢品益雜而天下亦亂自啟禎新鑄出舊錢悉

棄日以惡簿梓擲破碎百不盈寸末年敕鑄當五錢不及鑄而明亡初神宗從龐尙鵬議古錢止許行民間錢糧贖罪鑄用制錢啟禎時民間亦擯不用矣莊烈初給事中黃承昊疏有銷古錢之語閣臣劉鴻訓言北方皆用古錢若驟廢之民不便既而以御史王燮言收銷舊錢但行新錢於是古錢頓盡

顧炎武曰莫善於明之錢法莫不善於明之行錢考之史周錢蓋一變漢凡九變唐鑄開通已更鑄大錢則有乾封乾元重稜凡四變宋仿開通舊式西事起鑄大錢崇甯當十嘉定當五又雜用鐵錢交子會子而法彌弊明白洪武至正德十帝僅四鑄以後帝一鑄至萬厯而制益精錢式

每百重十有三兩輪郭周正字文明潔三百年來無改變之令民稱便焉此錢法之善也然其後物重錢輕盜鑄雲起而上所操以衡萬物之權至于不得用何哉蓋古之行錢不特布之于下亦收之于上漢律人出算百二十錢是口賦入以錢管子鹽筴萬乘之國爲錢三千萬是鹽鐵入以錢商賈緡錢四千而一算三老北邊騎士輜車一算商賈輜車二算船五丈以上一算是關市入以錢令民占賣酒租升四錢是榷酤以錢隆慮公主以錢千萬爲子贖死是罰鍰以錢晉南渡凡田宅奴婢馬牛之券每直萬稅四百是契稅以錢張方平言屋廬正稅茶鹽酒醋之課率錢募役青苗入息以斂天下之錢而上之資與祿給慮無不

用錢故流而不窮者錢之道也明之錢下而不上僞錢所以日售制錢所以日壅請做前代之制凡州縣存留支放皆以錢代則錢重錢重則上之權亦重矣

唐飛錢

唐憲宗時商估至京師委錢諸路進奏院及諸軍諸使富家以輕裝趨四方合券乃取之號飛錢京兆尹裴武請與商賈飛錢者搜索諸坊十人爲保自京師禁飛錢家有滯藏物價頓輕判度支盧坦兵部尚書判戶部事王紹鹽鐵使王播請許商人於戶部度支鹽鐵三司飛錢每千緡增給百錢然商人無至者復許與商人敵質而易之然錢重幣輕如故憲宗爲之出內庫錢五十萬緡市布帛每疋如舊估十之一

宋會子

交子  
關子

宋眞宗時張詠鎮蜀患鐵錢重不便貿易設質劑之法一交一緡以三年爲一界而換之六十五年爲二十二界謂之交子富民十六戶主之後富民貧稍衰不能償爭訟不息轉運使薛田張若谷請置益州交子務以權其出入私造者禁之仁宗從其議界以百二十五萬六千三百四十緡爲額神宗熙甯初立僞造舉賞如官印文書法河東運鐵錢勞費置交子務于潞州五年交子二十二界將易而後界給用已多詔更造二十五界百二十五萬以償二十三界之數交子有兩界自此始崇甯三年置京西北路管幹通行交子所立僞造法通情轉用鄰人不告者皆舉之私造交子紙者徒配四年

令諸路更用錢引四川如舊罷在京及永興軍交子務大觀元年改四川交子務爲錢引務自用兵取湟廓西甯籍其法助邊費較天聖一界逾二十倍而價愈損及更新交子一當舊之四以四十三界引準書放數仍用舊印行之三年詔錢引四十一界至四十二界毋收易舊歲造一界備本錢三十萬緡新舊相因大觀中不蓄本而增造引一緡當錢十數及張商英秉政復循舊法高宗紹興初有司因婺州屯兵請椿辦合用錢而錢重難致乃造關子付婺州召商人中執關於權貨務請錢願得茶鹽香貨鈔引者聽於是州縣以關子充糴本多抑配而權貨務止以日輪三分之一償之人皆嗟怨六年置行在交子務臣僚言朝廷措置見錢關子有司改

爲交子官無本錢民何以信於是罷交子務令權貨務儲見錢二十九年印公據關子付三路總領所淮西湖廣關子各

八十萬緡准東益據四十萬緡自十千至百千五等關子作

三年行使公據二年許錢銀中半入納當時會紙取於徽池

臨安會子初行止兩浙隆興元年以隆興尙書戶部官印會

子之印爲文更造五百及二百三百文置江州會子務瀆熙

三年令都茶場會子庫以第四界會子二百萬貯南庫時戶

部歲入一千二百萬半爲會子而南庫以金銀換收者四百

萬流行界外者纔二百萬耳嘉定二年以會子數多稱提無

策十一界尙有一千三百六十萬餘貫十二界十三界尙有

一萬二百餘萬貫十二界四千七百餘萬貫詔封樁庫撥金

十三界五千七百餘萬貫

一百五萬兩

兩爲錢四十貫度牒七千道

每道爲錢千貫

官告綾紙乳香

每套一貫六百

湊成三千餘收易舊會

十一界會子二分十

以舊會

二易新會一咸淳四年見錢關子貫作七百七十文足十八界每道作二百五十七文足三道準關子一貫前時蜀交出放兩界每界百二十餘萬後三界通行爲三千七百八十餘萬至紹興未積四千一百四十七萬餘貫所貯鐵錢僅及七十萬貫以鹽酒等陰爲稱提淳熙五年蜀引增至四千五百餘萬立額不再增寶祐四年臺臣奏川引銀會之弊有出無收當拘其印造之權歸之朝廷做十八界會之造四川會子視淳祐令作七百七十陌公私行使兩料川引竝毀見在銀會姑存舊引既清新會有限物價自平公私俱便矣紹興末

會子未有兩淮湖廣之分其後本錢不足遂致有弊乾道二年詔別印二百三百五百一貫交子三百萬止行兩淮其舊會聽對易隆興五年詔戶部給行在所會子五十萬付荆南府兌換淳熙七年詔會子庫造百萬付湖廣總所收換破會帥漕總領言乞印給一貫五百例湖北會子二百萬貫收換舊會庶流轉道快經久可行從之

### 金交鈔

金貞元間行鈔引法設印造鈔引庫及交鈔庫各有使副判一都監二而交鈔庫副專主書押搭印合同之事一貫二貫三貫五貫十貫謂之大鈔一百二百三百五百七百謂之小鈔以七年爲限納舊易新有司言交鈔舊同見錢商旅利於致遠往往以錢買鈔蓋公私俱便之事因有釐革年限不能

無疑乞削七年釐革之法令民得常用若歲久字文磨滅許於所在官庫納舊換新或聽便支錢從之交鈔字昏方換自此始交鈔之制外爲闌作花紋其上衡書貫例左曰某字料右曰某字號料號外篆書曰偽造交鈔者斬告捕者賞錢三百貫料號衡闌下曰中都交鈔庫准尙書戶部符承都堂劄付戶部覆點勘令史姓名押字又曰聖旨印造逐路交鈔於某處庫納錢換鈔更許於某處庫納鈔換錢官私同見錢流轉其鈔不限年月行用如字文故暗鈔紙擦磨許於所屬庫司納舊換新

范成大攬轡錄虜本無錢惟楊王亮嘗一鑄正隆錢絕不多餘悉用中國舊錢又不能蓄錢於河南效中國楮幣於汴京置局造官會謂之交鈔擬見錢行使而陰收銅錢悉運而北過河卽用錢不用鈔鈔文大略曰南京交鈔所準戶部符尙書省批降檢會昨奏南京置局印造一貫至三貫例交鈔許人納錢給鈔河南路官私作見錢

流轉若赴庫支取卽時給付每貫輸工墨錢一十五文候七年納換別給以七十爲陌僞造者斬賞錢三百千前後有戶部管當令史官交鈔庫使副書押四圍畫龍鶴有飾承安二年宰臣奏舊立交鈔法以舊易新者每貫取工墨錢十五文至大定二十三年不拘貫例每張收八文旣無益於官亦妨鈔法宜從舊制便若以鈔買鹽引每貫權作一貫五十文庶得多售上曰工墨錢貫可令收十二文買鹽引者每貫權作一貫一百文時交鈔所出數多民間成貫例者艱於流轉詔以西北二京遼東路從宜給小鈔許於官庫換錢是年改鑄銀名承安寶貨自一兩至千兩分五等每兩折錢二貫五年罷之先是行三台交鈔至泰和三年廢不用六年印造五等小鈔散用各路七年勅在官毋得出大鈔在民者令赴庫以多寡制數易小鈔及見錢

時民間病貨幣屢變往往聚語于市乃令敢議鈔法者許人  
告捕賞錢三百貫戶部尚書高汝礪言鈔法務在必行府州  
縣鎮宜各籍辨鈔人給以條印聽與人辨驗隨貫量給二錢  
貫例雖多六錢卽止每朝官出使則令體究通滯以聞民間  
舊有宋會子亦令同見錢用十貫以上不許持行權鹽許用  
銀絹餘市易及俸並用交鈔其奇數以小鈔足之應支銀絹  
而不足者亦以鈔給之時復議更鈔法上從高汝礪言命在  
官大鈔更不許出聽民以五貫十貫例者赴庫易小鈔欲得  
錢者五貫內與一緡十貫內與兩緡惟遼東從便河南陝西  
山東及它行鈔諸路院務諸稅及諸科名錢並以三分爲率  
一分納十貫例者二分五貫例者餘並收見錢宣宗貞祐二

年二月思有以重之乃更作二十貫至百貫例交鈔又造二百貫至千貫例者然自泰和以來凡更交鈔初雖重不數年則輕而不行至是則愈更而愈滯矣南遷之後國蹙民困軍旅不息供億無度輕又甚焉三年四月河東宣撫使胥鼎上言曰今之物重其弊在於鈔室有出而無入也雖院務稅增收數倍而所納皆十貫例大鈔此何益哉今十貫例者民間甚多以無所歸故市易多用見錢而鈔每貫僅直一錢曾不及工墨之費臣愚謂宜權禁見錢且令計司以軍須爲民量民力徵斂則泉貨流通而物價平矣自是錢貨不用富家內阻藏鏹之限外弊交鈔屢變皆至窘敗謂之坐化商人往往舟運貿易于江淮錢多入于宋矣宋人以爲善而金人不禁

也識者惜其既不能重無用之楮而又棄自古流行之寶焉  
其年七月改交鈔名爲貞祐寶券興定元年造貞祐通寶行  
之凡一貫當千貫五年宰臣奏寶券既弊乃造貞祐通寶今  
其弊復如寶券之末初通寶四貫爲銀一兩今八百餘貫矣  
宜更造興定寶泉子母相權每貫當通寶四百貫以二貫爲  
銀一兩隨處置庫許人易之縣官使民流通者進官一階陞  
職一等或姑息致壅滯亦追降命監察御史及諸路行部官  
察之集眾妄議者徒二年告捕者賞錢三百貫元光二年更  
造每貫當通寶五十又以綾印製元光珍貨銅銀鈔及餘鈔  
行之未久銀價日貴寶泉日賤民但以銀論價寶泉幾於不  
用乃定法銀一兩不得過寶泉三百貫凡物直銀三兩以下

不許用銀三兩以上一分用銀二分用寶泉及珍貨重寶京師及州郡置平準務以寶泉銀相易令下市肆晝閉商旅不行乃除市易用銀及銀寶泉私相易之法義宗正大間民間但以銀市易天興二年印大興寶會於蔡州自一錢至四錢四等同見銀流轉不數月國亡

### 元鈔法

元世祖中統元年造交鈔以絲爲本每銀五十兩以絲鈔易十兩諸物直並從絲例又造中統元寶鈔文以十計者四曰一十二三十五十以百計者三曰一百二百五百以貫計者二曰一貫二貫每貫同交鈔一兩兩貫同白銀一兩又以文綾織爲中統銀貨其等五曰一兩二兩三兩五兩十兩每

兩同白銀一兩未及行云五年設各路平準庫主平物價使  
相依準仍給鈔一萬二千錠以爲鈔本至元十二年添造釐  
鈔其例有三曰二文三文五文十五年以釐鈔不便命罷印  
二十四年改造至元鈔自二貫至五文凡十一等與中統鈔  
通行每一文當中統鈔五貫隨路設立官庫貿易金銀平準  
鈔法每花銀一兩入庫當至元鈔二貫出庫二貫五文赤金  
一兩入庫二十貫出庫二十貫五百文僞造鈔者處死首告  
者賞鈔五錠仍以犯人家產給之其法爲最善至大二年武  
宗復以物重鈔輕改造至大銀鈔自二兩至二釐定爲一十  
三等每一兩準至元鈔五貫白銀一兩赤金一錢元之鈔法  
至是益三變矣大抵至元鈔五倍於中統至大鈔五倍於至

元仁宗卽位以倍數太多輕重失宜遂詔罷銀鈔而中統至元二鈔終元世常行焉凡鈔昏爛者委官就交鈔庫以新鈔倒換除工墨三十文旋減爲二十文二十二年復故其貫陌分明微有破損者並令行用違者罪之所倒之鈔每季各路就令納課正官解赴省部焚毀隸行省者就焚之草木子元周漢之質荆唐之錢引宋之交會金之交鈔當其盛時皆用錢以權錢及當衰叔財貨不足止廣造楮幣以爲費楮幣不足以權變百貨遠溢而不行職此之由也必也欲立鈔法須使錢貨爲之本如鹽之有茶茶之有引引至則茶鹽立得使鈔法如此焉有不行之患哉當今變法宜於府縣各立錢庫貯錢若干置鈔準錢引之制如張詠四川行交子之比使富室室之引至錢出引出錢入以引爲母以錢爲子子母相權以制天下百貨出之於貨輕之時收之於貨重之時權衡輕重與時宜之未有不可行之理也

論曰自唐置飛錢宋設交會子至金貞元正隆之間遂

立交鈔之制然行之不十餘年而壅遏之勢已成轉爲  
國家生民之患其故何哉蓋鈔積于下錢匱于上楮敝  
而不暇更出多而無以償天下皆知其操虛券以從事  
而逆爲防之故雖嚴用銀之禁申告許之賞卒不能疏  
通其滯而導之使流也上之人知其無可如何乃又改  
大鈔爲小鈔改小鈔爲寶券用法屢變而民受其害國  
亦未有利焉明太祖洪武中嘗放至元鈔法行之是時  
吳越閩廣之人大率貴錢而賤鈔其壅遏不行與金之  
事無以異也至宣德閒嘗嚴金銀之禁矣交易用銀一  
錢者罰鈔千貫贓吏受銀一兩者追鈔萬貫然民卒以  
銀爲利以鈔爲患再傳以後而一貫之鈔不能當一錢

之用由是上下積以爲苦而無復有敢議行鈔者矣予  
嘗論後代創舉之法期以苟便于一時則可耳時既過  
而勉強行之雖有申商之智儀秦之辯不能以取信于  
天下自唐宋以來行鈔法而獲利者惟至元一朝其餘  
則紛紛然徒以亂政撓民而已蓋俗之積僞甚矣上之  
人飾空文以罔下下之人懷疑心以事上上與下交相  
爲市而又有舞文之胥乾沒之吏相與散法于其間此  
鈔之所以不流而國之所以坐困也願甯人戒後世興  
利之臣慎無言鈔法諒哉言乎雖著爲鼎彝可矣